



10423



道光九年刊

詩小  
書  
卷齋



勾玉錢泳題



道光二年九月蘭坡先生以贊善疏請歸養蒙

津

恩俞允諸王在上書房者賦詩贈行同社諸子餞於九里梅花邨舍繪圖徵詠余亦繼作先生復示以所著小萬卷齋詩集屬余序之余知蘭坡之工詩久矣未知其能合於古人之詩否也既知其有合於古之作者而未知其所以爲蘭坡之詩今始知蘭坡之能詩蓋有所立於詩之先者有所餘於詩之外者非可僅以詩求之也蘭坡生三月而孤母夫人育之教之以底於成與其兄靜齋少寇孝友甚篤家多藏書爲學具有根柢初入詞館卽負盛名繼受

小萬卷齋詩藁

吳序

一

天子特達之知出持使節入侍講幄所交皆當世賢雋之士所歷名山大川之奇所習吏治民生之要暨夫骨肉友朋升沈聚散之感皆於篇什發之醞釀既深才力益壯故能自達其意以合古人之法而詞旨溫厚咸出乎性情之正此其所以爲蘭坡之詩也余詩喜造句法往往爲古人所縛又好爲山水寂寞之遊每入京師輒以塵事損其天趣其無定力可知蘭坡方居清要毅然引退其出處已無媿古人今且奉母家居脫然於世累之外所以涵養其性情而擴充其才力者益不可量詩其一端而已余年五十有七矣於一切世法固無所取

卽詩亦漸廢餘何可言惟望二三執友早就名山之業  
余得挂姓名集中以誌一時交誼之篤此則余之厚幸  
也已東鄉吳嵩梁謹序

小萬卷齋詩藁

吳序

二

原夫金絲引和必貴幼眇之音元黃錯采所恃麗密之體非情動於中則八音皆浮響矣非質有其內則五色以久渝矣物固有之文亦宜然故夫詩之興也哀樂泯於自然喜怒匪由人事士衡著緣情之教彥和垂體性之篇陳王擴宇於國風阮公受才於小雅江淹善恨乃義心苦調之人平子工愁有惻隱古詩之意皆以因流溯源援條振藻涂轍雖異匪歸則同焉今者標舉風流揆張慧業或擗擗以眩博或跳盪以逞豪或闡綏以尚和或譎詭以肆巧幾乎家藏鵲玉人握驪珠鏗鉤驚趙鞅之魂絢爛瞬安豐之眼然而土夫木伯或少情根露

小萬卷齋詩藁

胡序

一

蘼風榮無關性始有女之舜華徒豔男子之樹蘭不芳真宰弗存翩其反矣若吾友蘭坡之詩其真溫柔在誦怛悵切情察士多凌辭之思好麗有殷勤之意者歟君學通五際才備九能早直承明之廬屢游博望之苑固已四巡臚頌八采蜚聲窮廣內之青編輯平臺之麗曲洎乎荷衣楚製尊饌吳烹樂琴書以消憂閱魚鳥以散慮則王微之宦情本淡沈警之素業自娛固無不平之鳴亦非多窮之比人只知君詩圭璋爲心煙霞散矚媿香山之廣大追玉局之清森而吾獨謂其深於性情範諸風雅者則以君少遭孤露長切友于念羸負之恩勤

悲令原之急難鞠我拊我無忝於所生陟屺陟岡尚慎  
於行役加以綢繆親故契闊友生伐木無鳥鳴之刺谷  
風絕弃予之怨往往深衷內蘊古道外章彙括倫紀之  
中翱翔名教之地不啻一篇而三致意十事而九爲律  
焉以故胚胎元氣藻鬯衿靈沈鬱澹雅之思芬芳悱惻  
之致嶸竒歷落之氣蒼涼悲壯之音旣積於中有來不  
已夫然後幹之以風骨布之以葩華諧之以律呂標之  
以興會莫不總制清夷自成馨逸此所以意匠司契心  
聲詣微境泯娛憂感均頑豔寫逸少深情之帖遜此纏  
絲讀公叔崇厚之論無其篤斐者也承琪手無慧珠腹  
小萬卷齋詩藁

胡序

二

若管井才不逮於作者心猶慕夫古人雖欲綜述風騷  
鑽擘比興而未能聽遺音於絃外抽妙緒於機先惟與  
君同朝十年相思永夕竹柏之契證於清襟萱蘇之懷  
通於幽寐數贈答之篇章傾耳已熟話平生之出處僕  
指能詳猥許心知發其目論卮言無當嗶引聊先徒致  
美於探驪終有慚於窺豹爾道光己丑十月旣望同邑  
姻愚弟胡承琪頓首拜序

余非能詩也又非敢妄謂知詩法也漢魏逮元明名家林立雖涉其源流窮其旨趣而藩籬未窺無論堂奧然則何以詩且何以多詩竊維弱小受經卽讀唐詩三百首時情昧寡識但覺音節諧暢便於成誦比稍長輒私擬構惜匙切磋之助迨計偕入都睹聞漸充乃黽勉爲之幸獲通籍交當世士大夫參預社會猥蒙許可中間登臨山水考古弔賢遇忠孝節義事尤喜揚摧篇章遂叢積初不審其與繩墨合否也或曰詩道難言矣徵實易滯蹈空易浮無性情則漓無風格則憍雄駿之儒弊猶不免况乎拙匠盍善刀而藏則應之曰今人論詩每

小萬卷齋詩藁

自序

一

稱李杜稱韓蘇而摹李杜者莫得李杜之真效韓蘇者祇得韓蘇之似如必李杜韓蘇始可以詩鳴恐李杜已往不再生李杜韓蘇已往不再生韓蘇而詩教將絕於天下若各隨資之所稟學之所臻染翰攄懷豈騷壇竟無位置且夫敝帚之珍人情類然而又奚訾哉益余赴蘇曾覆舟淪失詩藁一冊緣茲動念思鏤板頗苦乏貲適羣從數輩聚腋敦勸爰編輯相付少作皆弗存斷自嘉慶紀元丙辰始迄道光戊子六十以前仍加芟薙成若干卷或尚議其繁余曰然抑有說焉精鏤美瑾固非多之爲貴至披沙而揀金則未定其盡沙與倘沙中偶

有金與聊用竝列俟披而揀之者且使生平經行之區  
出處之跡一展帙略覘梗槩彘彘鄙意實在於斯嘻余  
早衰善病難復深造追回夙昔徒呼負負天苟假年續  
有製當附諸後任是役者從孫廷杰樹宗富宗達暨兄  
子贊元培元也道光九年己丑秋九月涇蘭坡朱琯自  
識於吳門正誼書院之可園

小萬卷齋詩藁

自序

二

蘭坡先生像

受業陳炯敬題



孔繼堯

小萬卷齋詩藁

像讚

一

削儒之儒有眸  
其容軒若雲中  
之霍落如澗底  
之采文章著乎

外猶德蘊乎中  
是宜叅班揚之  
荆追無鄭之踪

奉題

蘭翁館文清照石韞玉



小萬卷齋詩藁

像讚

二

竹柏之質雪霰之情  
中秘之藉豈承華之庭  
擊方員於卯合排扶搖  
之上征漫而臧之不寵  
不驚留流振嘯希古  
濯纓藻王伯厚之治學  
爲鏘原之謨經德尺之  
音如感之清字兮須  
巖蒼白而顏如

涿兒

同歲生梁章鉅拜題



小萬卷齋詩藁目錄

卷一

古今體詩八十九首 丙辰至己未

卷二

古今體詩六十一首 己未庚申

卷三

古今體詩七十七首 辛酉壬戌

卷四

古今體詩五十五首 壬戌癸亥

卷五

小萬卷齋詩藁

目錄

古今體詩六十三首 癸亥甲子

卷六

古今體詩六十二首 甲子乙丑

卷七

古今體詩七十六首 乙丑丙寅

卷八

古今體詩六十三首 丙寅丁卯

卷九

古今體詩七十三首 丁卯

卷十



古今體詩一百十首 戊辰

卷十一

古今體詩七十二首 戊辰

卷十二

古今體詩九十二首 己巳

卷十三

古今體詩八十首 庚午 辛未

卷十四

古今體詩九十九首 壬申 癸酉

卷十五

小萬卷齋詩藁

目錄

二

古今體詩七十五首 癸酉

卷十六

古今體詩九十五首 癸酉 甲戌

卷十七

古今體詩九十八首 甲戌

卷十八

古今體詩九十三首 乙亥

卷十九

古今體詩八十五首 乙亥

卷二十

古今體詩八十三首 乙亥丙子

卷二十一 古今體詩八十二首 丁亥

古今體詩五十五首 丙子丁丑戊寅

卷二十二 古今體詩八十六首 丙子

古今體詩八十九首 戊寅己卯

卷二十三 古今體詩八十六首 丙子

古今體詩七十首 己卯庚辰

卷二十四

古今體詩六十五首 辛巳

卷二十五

古今體詩九十四首 壬午

小萬卷齋詩彙

目錄

三

卷二十六

古今體詩八十首 甲申乙酉

卷二十七

古今體詩九十六首 丙戌

卷二十八

古今體詩八十六首 丙戌

卷二十九

古今體詩九十二首 丁亥

卷三十

古今體詩九十一首 丁亥

卷三十一

古今體詩八十五首 戊子

卷三十二

古今體詩七十五首 戊子

小萬卷齋詩藁

目錄

四

小萬卷齋詩藁卷一

丙辰至己未

涇 朱珩 蘭坡

枕上

枕上看行雲行雲若邀我強起欲應之變滅忽已左人  
生天地間如斯兩相簸屈伸固有時奚必嘆坎壈丈夫  
志四海曾次宜磊砢奔走徒紛紛靜觀吾自可習靜夢  
亦安披衣面窗坐但聽梧葉聲蕭然帶風墮

秋思

葉落暮蟬急涼生微雨佳颯然秋思動雲水渺無涯遠  
道添新夢高樓鬱壯懷驍騰有健馬矯首向天街

小萬卷齋詩藁

卷一

夜靜

夜靜不成寐西風枯樹知亂蛩吟壁暗飢鼠瞰燈危古  
寺鐘聲遠寒窗月影遲冥冥獨延竚心到太虛時

黃海圖歌爲張簪山畫史

淮作

我欲登五嶽窮九州匡廬峩峩一一皆冥搜近望黃山  
百里不得到山靈啞然笑我拘如囚黃山高兮一千一  
百八十仞天台天目俱在山之陬煙嵐拔地矗雲表嶠  
者嶧者扈者岌者形不侔本是天開自然之圖畫三十  
六峯盡入豪端收一峯一態各奇異造化可以爲雕鏤  
中有天都直而上下視羣峯羅列兒孫儔其餘培塿難

悉計攢蹙峭削戈與矛二十四溪十二洞體勢起伏疎  
且稠濛濛雲氣鋪滿紙前海後海髮髯波濤浮披圖使  
我尋覽遍超然逸興凌滄洲凌滄洲直如置身翠律之  
峯頭左攜容成兮右挹浮邱丹臺兮縹緲罡風兮颺颺  
巖前弄瀑布石下窺龍湫仰攀星辰僅咫尺俯瞰塵世  
眞蟬蛸吁嗟黃山之勝有如此人生何必蓬萊遊古來  
神仙之說本茫昧不如對茲靈境消煩憂靈境依稀挂  
四壁我懷杖策終當酬丈夫宜爲黃鵠舉安能卑同燕  
雀徒啁啾張君張君爲我作前導與君赤腳踏石興長  
謳

小萬卷齋詩藁

卷一

二

題孀婦俞氏傳後

并序

孀婦年十九夫所天無子繼族人子爲嗣家甚貧老  
姑病臥婦以鍼劑供藥餌久之婦亦病持漿進姑至  
階下觸而顛月餘竟死族叔柳堂進士寵爲作傳

先生吾宗古君子闡發幽微佐淳史奇節高文不朽同  
一編敬告輶軒氏當年鏡折釵分飛漆室但與君姑依  
寡鵠哀鳴獨鸞舞朝朝暮暮愁空幃懷中無兒甌無米  
苦志餐荼乃如齊白髮扶頭進藥鐺吞聲那敢輕垂涕  
螺贏負子艱奚辭劬勞力竭身亦危可憐卻曲傷爾足  
盃漿手尚能堅持但焉夜半肝腸絕姑病難瘳婦病切

俯視襁緜仰視姑背面偷看淚成血抱此精衛心區區  
生逢百罹終不渝昔時無子尚有婦今日無婦將何如  
我初讀之惻胷臆嗟我母兮矢靡慝冰霜歷盡伴松筠  
未字貞名宜石勒請君更作瑤華篇柏舟賴以風詩傳  
咄哉婦獨飢寒死搔首蒼茫欲問天  
無錫口號

天開風景接東吳萬井雲煙入畫圖紅塔寺連山市開  
綠楊隄抱水亭孤春深遠岸成花國地近名泉問酒壚  
爲語橋人停兩槳慧峯明秀眼中無

滄浪亭懷古

小萬卷齋詩藁

卷一

三

詩人苦窮古如此杯酒竟逐蘇長史昔日陳書昭應宮  
一朝放志滄浪水滄浪亭子遠闌闌數重修竹相迴環  
壘石疏泉不草草幅巾獨往行歌浩嘯傲平林自率真  
興酣落筆多驚人魚鳥爲伴煙霞鄰底用汨汨榮辱之  
場忘其身清風明月攬不盡坳隆勝勢獨占三吳春噫  
嘻飲食細事何足語羣狐跳跟善爲蠱彈劾紛紛動政  
府網盡賢豪富杜轉以坎墮得寬閒天遣才人來作  
江山文字主子厚謫永州子瞻居黃州同悲淪落天南  
陬胷懷瀟灑恣遨遊况有詞賦堪千秋君不見此地由  
來幾興廢探幽憑眺還吾輩北碕遺址長巍然空望荒

灣野水暮歷浮寒煙濯纓人去不可作懷古高風薦芳  
葯前爲錢氏園後屬章與韓屢閱貴戚兼高官文采照  
耀當年傾至今傳者滄浪亭

觀師子林假山

兩崖撐澄冥秀絕不成削玲瓏幻萬狀巧奪鬼斧鑿誰  
知雲林翁胷中富邱壑經營兼曠奧矗立若礮礮水疑  
仇池清峯有文筆卓奔騰鬪奇險此倚彼乃摘羅列盡  
森然匪色之而作負嵎振突怒對我勢欲攫蒼蒼五大  
夫歲久枝化鶴

上有五松

空際蟠孤根天風吹不落白雲補

石隙滄鬱微露角高下心茫如將迴足盤躩洞口聞人

小萬卷齋詩藁

卷一

四

聲趾頂忽相錯壺公偶遊戲袖裏卽寥廓長嘯呼倪迂  
終古畱學确寒山青在望願訂三生約

登天平山

天平之山高極天下橫薄霧中含煙其上微露青嵐巔  
爭奇炫巧至眼前循徑而上級萬千未過其半思息肩  
白雲洞口聞濺濺滿飲一勺清冷泉老僧導我亭臺邊  
疑去無路心皇然龍門一綫堪延緣兩壁窘束如藤纏  
忽開異境喜欲顛萬峯執笏呼萬年大者列屏小者拳  
曲者僂躬直者竝雲中幻出千紅蓮浮空玉筍形娟娟  
嗟我有口箝難宣偉哉造物爲雕鐫須臾到頂星漢懸

青冥一氣兜羅繚巖前抗手招羣仙金支璇闕紛相連  
松風吹我衣翩躚便欲枕石終日眠夕陽已挂僧窗圓  
下山且賦歸來篇

三月三日泛舟山塘二首

微風暖日聽鶯天片片魚鱗疊畫船歌憶吳宮佳麗地  
會開晉代詠觴年橋痕印水初添漲草色迎人欲破煙  
寶劔試求遺跡在湛盧光氣動星躔

依依春思長藤蘿歷磔尋芳柳外過倚檻繁枝憐白雪  
虎邱玉蘭最古浮杯別浦送清波銀鐙翠箔千家市玉勒香輪

七里坡觸迂江南無限恨真孃墓上落花多

小萬卷齋詩藁

卷一

五

五人墓行

嗚呼有明熹宗之季國不競璫賊倒持太阿柄乾兒義  
孫滿朝廊屹立者誰左與楊緹騎縱橫孰敢侮短衣就  
問周吏部銀鐙擲地囚來前兀傲睢盱猛於虎黃塵蔽  
天天無光此時觀者如堵牆詔書逮人出東廠奮呼大  
起喧蝸蟬旗尉倉皇覓無路惜哉走脫毛一鷺飛章告  
變聲震撼一朝驚破閣奴膽博浪椎雖中副車祖龍虢  
魄情不愉忽聞嚴旨懲首亂萬眾紛如鳥獸散莪莪特  
上顏佩韋擊賊是我將安歸馬周楊沈各攘臂摩頸櫻  
刃甘如飴吁嗟五人皆市人慷慨慕義捐其身男兒死

耳不可屈忍使荼毒流摺紳讀書藉口保明哲媿與幸  
附炎威熱哀玉爭傳普惠祠金刀獨染爛斑血豈知強  
忍以就名填臆義憤心成鐵春輝淡沱山塘開棠梨落  
盡鶻嗥哀墓門寂寞松風迴嗚呼燕天姦燄終沈埋壘  
壘排塚高崖崑翻雲覆雨那能說蒼茫且飲蒲桃醅

吳門春日雜詩八首

蘇臺桺色最銷魂翦翦輕寒獨掩門梁燕未歸春已老  
一叢新綠破苔痕

取次春光到杜鵑長隄十里草芊緜來孤鄧尉尋山約  
願與梅花結後緣

小萬卷齋詩藁

卷一

六

東風又過闔閭城小市人家喚賣錫寂寞金閭寒食近  
黃昏細雨撲簾旌

通波橋下水迢迢芳草天涯別夢遙剛是楝花風信急  
玉窗吹徹紫雲簫

杏花門巷印殘紅春在濃雲掩靄中明月灣邊重懷古  
舞衣空颭錦帆風

碧天露冷瀉絲裳蓮漏冬丁響玉璫閒倚木蘭船畔月  
夜深燈火接橫塘

汧云南浦鴨頭新兩岸鈿車拾翠人開盡櫻桃三百樹  
女墳湖上餞餘春

悵望芳郊又禁煙，心情多付酒樽邊。  
一雙蛺蝶牆東去，回首風塵已隔年。

### 花山二首

振策翠微巔，晴空開碧蓮。  
風驅千嶂動，雲擁一峯懸。  
路折險無地，人行高接天。  
何須思羽化，吟嘯卽飛仙。  
日暮碧煙合，空山歸鳥鳴。  
長松作風雨，萬壑變陰晴。  
石室臨崖古，天池浸月清。  
馬蹏催得得，回聽寺鐘聲。

### 登靈巖望太湖

我聞靈山奇，秀天所鍾卓。  
然獨爲吳郡，西南宗秀有。  
峩峩峩峩峩，坐撫其頂乃。  
與兒曹同仙人，贈我九節杖。  
乘

### 小萬卷齋詩藁

### 卷一

### 七

興往到吳王，宮青鞋布韞鼓勇。  
上陰陰夾道多，喬松丹霞掩。  
苜生足底邈絕，絕霄漢聳出金芙蓉。  
其上石壁尤峭拔，巖號佛日橫。  
虛空天花不散法，鼓响帝座已近丹邱。  
通盤迴左折，又入勝寂寞。  
屨廊香徑苔蘚披，蒙茸闔廬霸業歸。  
逝水遂使蒼茫懷古意，都付落日荒煙中。  
惟有崖巔三池長，不竭蜿蜒疑蟠虬。  
與龍琪花瑤草滿澗谷，至今紫翠猶蔥蘢。  
搜幽歷險境難盡，但見星斗落落羅心胃。  
俯瞰具區三萬六千頃，奔騰澎湃波濤衝箭河。  
一道當吾前，吾將因之破浪乘。  
長風風吹湖水水欲立，黑雲下界愁冥濛。  
忽然雲收水聲靜，天光蕩漾磨青銅洞。

庭兩山俱在眼蒼巒碧隴隱現浩淼之間重復重縹緲  
峙其西莫釐昂其東汪洋沈浸七十有二之高峯勢皆  
環拱琴臺如列壩林屋洞天路莫測素書玉檢塵久封  
令威丈人千載畱遺蹤何當攜之遠訪松喬之屬黃石  
公

館娃宮

館娃遺跡草長春漠漠風光淡淡塵碧嶂當年金粉地  
紅紗絕代苧蘿人宮中月落猶燃燭臺畔霜寒正臥薪  
恩重深愁難悟主可憐錯認捧心顰

婁浦道中

小萬卷齋詩藁

卷一

八

五茸遙望綠網縕圓柳南頭日又曛雲密但畱天一綫  
潮遲剛長水三分掠波乳燕初斜翼避棹閒鷗不亂羣  
地接華亭無鶴唳隔溪漁笛數聲聞

舟行曉起

夢回殘月白潮生暗泉響漫漫葦花叢天光淪泐滌漁  
火淡欲稀伊軋聞蕩槳涼風振林薄心空塵外賞遠色  
渺無際一碧涵萬象野戍板橋橫孤篷水煙上思隨鷗  
鷺盟閒情寄菘蔣

寓西湖漱石居

心空半偈漱雲根薛砌新添屐齒痕煙外遙峯青滿屋

春來積水綠當門  
杯延皓月臨湖飲  
詩引閒僧對榻論  
眼底塵緣俱欲豁  
一聲清磬近黃昏

蘇隄步月

月光皎如水  
水色平如鏡  
水月湛虛明  
上下冰壺瑩  
夜永鳥初寂  
天高露欲凝  
泠泠鐘梵聲  
遠入幽人聽  
長隄偶彳亍  
意倦坐苔磴  
夾岸樹交陰  
前山向我迎  
樓臺燦金碧  
倒影澄潭淨  
身在水精寒  
心如老僧定  
萬川印爲一  
朗然見真性  
湖波靜不起  
名合稱明聖  
思把髯翁肩  
風流自輝映  
明月兩閒人  
終古同嘯咏  
信步卻忘歸  
白雲已滿徑  
望空招風車  
仙乎下相應

小萬卷齋詩藁

卷一

九

岳忠武王墓

黃龍痛飲事垂成  
父老中原望蕩平  
威略徒聞機可惜  
詔書不奉志誰明  
甘心戮帥全和議  
屈首臣讐泯媿情  
宰樹百章無北向  
深宵猶作怒濤聲

于忠肅公墓

不將北宋爲南宋  
旋轉乾坤社稷臣  
謀效鉛錫終返國  
獄成道濟竟以身  
易儲諫疏言無據  
輸款藩封意豈真  
赤手丹心千古恨  
祠內有赤手擎天  
丹心託月八大字  
魚鱗舊諺記遺民

孤山弔林處士

孤山不是終南山  
身遠城市浮雲閒  
孤山乃是安樂窩

寤言自適山之阿放鶴亭前采芳芷脫略風塵等敝屣  
試問居山一片心回頭笑指西湖水湖水明如冰鑑開  
中流縱棹忘歸來伊人只在雲深處欲訪桃源總迷路  
遺藁曾無玉檢書當年豈上金門賦古今處士差堪竝  
前惟靖節後和靖寒梅晚菊俱蕭然菊爲隱逸梅爲仙  
水邊籬落更清絕古幹槎牙好同潔三更紙帳夢魂歸  
是梅是人那能別先生在在山山爲高鴻飛鳳翥凌層霄  
我來弔古煙波窟浩浩松風與水月把酒醉君君在無  
荒亭空峙孤山孤

龍井

小萬卷齋詩藁

卷一

十

一徑入空碧遂造招提境杳杳翠峯閣肅肅風篁嶺湖

山最佳處

壁上有湖山  
第一佳五字

澄泓得古井聲疑滌耳清味乃

漱齒冷葉落鳥銜去但見參差荇軼事訪野僧奇與徑  
山等老人衣縞衣扣門竟自請挈屬將徒歸願依安禪  
靜崖巔有大湫慎勿湮半頃擴茲濟物心往來任短綆  
終古常泠泠清趣那能領山靈笑揖我來遊惠然肯坐  
久神運石三生夢已醒掬水屢洗眼活火聊試茗恐驚  
毒龍眠不窺潭底影長風吹颯然矯首萬松頂

飛來峯

奇山乃生翼遠別天竺國到此竟不歸千古常獨立當

年慧理僧西來曾挂錫審視一興嘆如晤故鄉客事異  
愚公移形同巨靈擘深洞空豁衍高巔益劣削雲封出  
無路遂覺塵凡隔手捫磨崖書欲讀先拂拭斜窺一綫  
天陡絕千仞壁迥去不忍爲愛仙靈迹但恐山仍飛  
他日難相識問山山無言巉巉半空碧

登北高峯絕頂放歌

一重白雲一重水南北兩峯相對起南峯還讓北峯高  
蒼蒼去天不盈咫我來登如蜀道難忍死直上虛無閒  
細數陂陀七百五十有餘級紆迴遍歷三十六折之彎  
灣到此飛鳥絕神魂欲超越目力已極心旌懸朝暎渾  
小萬卷齋詩藁

卷一

十一

漾倒挂扶桑邊萬里雲山落吾掌恐觸青空頭不仰但  
見左江湖若衣帶屈注天潢分兩戒靈胥吼怒驚雷  
霆早潮晚汐遞嬗無畱停其外混沌杳難測連天海水  
波濤白憑高颯颯多天風恍然吹我神山之上蓬萊宮  
蓬萊宮不知處瓊臺玉宇橫煙霧欲從張騫乘斗槎隨  
風飄泊無津涯馮夷擊鼓百靈集頃刻浮空巨浪過盡  
千片萬片芙蓉花此身浩蕩同輕鷗隘九垓兮渺十洲  
凝神下瞰始知登覽羣峯最上頭浮圖試問唐天寶滿  
徑蒿萊跡如掃

向有塔唐天寶間建今廢

使我懷古心悲傷雲煙過  
眼真風檣何如向平五嶽之願攜貲糧踰山越海常徇

猗青青兩鬢三千霜

登六和塔

磴道盤空夕照開  
餘杭形勢鬱崔嵬  
天浮山色臨江盡  
風挾潮聲入寺來  
俯視神州真一氣  
高凌象緯極三台  
凭欄滿眼茫茫感  
東望滄溟首重迴

桐江雜詠四首

小別西湖去之江  
歷幾灣潮平富春渚  
雲幕浙東山巖樹  
半空翠野鷗相對閒  
掀篷獨凝坐何處  
倩荆關風雨莽縱橫  
空山猿鶴迎石鋒  
疑鬼瞰灘勢與船爭  
林密有幽趣邨荒無  
定更渡頭煙漠漠爲  
憶柳耆卿

小萬卷齋詩藁

卷一

三

嶄絕連雲棧行來釣月磯  
幾家臨水曲終日挹嵐霏  
路險看猱走帆遲訝鷁飛  
桐君欲相揖贈我藥苗肥  
淺瀨千盤折清溪七里流  
山圍綠楊郭人在白蘋洲  
采孤舟遠陰陰曉霧收  
前津重借問莫是武陵遊  
嚴子陵釣臺

白水真人乘龍去布衣  
故人甘涸鮒桐廬江上披羊裘  
竹竿籬籬山幽幽  
翦求頓入君王夢  
欲作鹽梅霖雨用  
設以壇席徵蒲輪  
從此難安蘿薜身  
苦踐紅塵洛陽道  
閒情終似商山皓  
不如伏勝傳六經  
不如桓榮爲五更  
舉足但加天子腹  
張眼乃驚天上星  
狂奴之態翻養拙

空令至尊呼咄咄，翩然歸臥故山雲。  
三徑已荒松菊存，江湖魏闕原無二。  
出則功名處，節義扶持名教開。  
東京俊廚顧及多，豪英首功端合推。  
先生波流如箭石，如齒想見當年隱君子。  
吁嗟乎漢家宮殿沈荒萊，雲臺曾不如鈞臺清風百世猶堪懷。

三衢郡齋晚眺

松風颯爽起崩濤，曠覽江天首自搔。  
遠水碧環山郭轉，斜陽紅擁郡樓高。  
鱗鱗萬瓦煙中沒，歷歷千帆檻外遭。  
卻憶當年稱重鎮，屯營虎視有賢豪。

謂李文襄公

開化道中

小萬卷齋詩藁

卷一

三

溪南溪北互迴環，榭葉松花滿目斑。  
四面峯圍如釜底，三家邨小在雲間。  
綠秧得雨纔平水，黃犢無人自下山。  
一幅輞川田舍景，征程忙聽鳥聲閒。

七夕詞八首

長生殿裏問因緣，從古無情不是仙。  
莫道人閒異天上，女牛相望動經年。

一望明河萬里遙，碧天秋思夜迢迢。  
由來清淺無波起，卻倩雕陵鵲作橋。

耿耿星躔候幾更，天孫初斷弄機聲。  
誰知萬匹裁雲錦，盡是閒來織得成。

銀潢尚憶去年痕百種心情一夕論不待別時先灑淚

絲絲微雨冪黃昏

是夕雨

金井梧桐一葉秋夜涼蕭瑟曝衣樓封姨似解黃姑恨

特遣西風送別愁

是日立秋

碧霄雨過復天青新月朦朧尚滿庭兒女也知無巧乞

自陳瓜果禮雙星

蘭閣宵深北斗斜閒情偏倚玉鴉叉雲霞五色成連理

散作空中吉慶花

伯勞飛去燕飛回月帳休疑曙色催地下一年纔一日

朝朝應得渡河來

小萬卷齋詩藁

卷一

古

詠水仙花次學博胡元峯文

承譜

韻四首

凌波窈窕靚新妝側側輕寒冉冉香密葉暖烘鴉鬢綠  
芳心勻染菊衣黃磁盆影瘦風侵案綺閣魂歸月滿牀  
欲折一枝供細嚼冷然冰雪沁詩腸

徙倚雲屏太瘦生思將骨格傲梅兄珊珊獨步塵無迹  
脈脈忘言水正盈性潔只宜卷石護枝低還認斷釵橫  
娉婷誰得花身似洛浦由來浪占名

移得清姿入座來百花叢裏鬪香魁欲通情慄波堪託  
別現丰神雪作堆小夢回時依玉鏡前身住處合瑤臺  
慙慙生怕微寒著簾外披衣向日裁

含香體素玉爲城旖旎風前一笑傾縞袂偶逢真是伴  
銀鐙孤照有餘清隔宵供尚畱泉漱呵凍描應費筆精  
我亦年年頻愛惜此花原覺可憐生

爲吳松溪別駕台題萊竹山房圖次韻二首

窈窕蘭房與葯房維摩十笏半松篁新蘿繞徑條條鎖  
遠岫開簾面面當婪尾酒頻畱客醉鶴頭鉏爲種花忙  
登堂有約重題壁卻掃苔痕牡蠣牆

晴闌高倚小紅樓中有樓日倚晴收取雲山到筆頭涼月影搖

千个字好風聲夏一天秋濂溪勝景圖中寫澧浦羈懷

夢裏求君官他日遂初應可賦夕陽閒把釣魚鉤

小萬卷齋詩藁

卷一

五

龍神獻佛圖歌爲家雲梧上舍折作

君不聞僧繇長康曾貌維摩與盧舍朝朝寺壁神光射  
莊嚴寶相皆慈悲丈六金身一莖化阿誰復擅白描手  
筆所未到吞八九卷端如有煙雲生但見紺馬蟠空龍  
螭駕蚴蟉我佛法力原無邊滄海一粟凌茫然迦葉阿  
難二十八祖共游戲何須鞭石成橋杯作船北望諸毗  
東望螭淵蓬萊瀛洲方丈三神山虛無縹緲可通兜率  
之洞天天容莽莽雲氣惡萬里盲風海波作異獸雷轟  
震山岳躩踞蜿蜒勢將攫其音如計名如狩或爲羶毘  
窳窳浮縱橫庚辰欲鎖不可制華表雖照終無形誰知

宣通八解與三昧  
栴檀馥郁恒沙界  
桀鷲之姿望風先  
下拜搖尾帖耳不敢顯  
神怪乃使廣利名  
王都皈依稽首受戒袈裟披蒲團  
合掌方入定貝闕宏開遠  
相迎始知蠻君鬼伯亦具有佛性  
罔象擎靈旗離侖戴寶鼎  
宮龜長魚踊躍爭後先  
陡覺乾坤軒豁星辰靜  
瓊琤玉火齊珠諸天供養香花俱更有龍宮倩女善心發  
銖衣手捧優曇盞願依般若臺前永聽蓮花偈  
摩尼圓明現梵輪寫入此圖咄咄乃逼真  
我疑玉毫金粟髣髴夢中見不然研精染素那能眩目  
驚心神雲梧雲梧請學辨才梁上懸當有老龍呵護風雨寒

小萬卷齋詩藁

卷一

六

月夜渡固城湖二首

不辨青山色蒼然月滿湖天低  
春水漫夜靜客舟孤人語霧中失  
鴈行雲際呼一聲蘭棹響搖蕩入冰壺  
星漢浩西流微茫氣欲浮  
回看三十里盡是菰蘆洲弄  
蓬驚林雀停帆伴渚鷗  
水鄉清景戀添得別離愁

渡江二首

長江向東走浩蕩天地外  
開拓萬古胃氣吞曾不芥  
吾生遠行役頻年片帆掛  
當窗渺空冥入耳駭砰湃  
金焦兩峯碧天爲展圖  
畫顛風排虛來倏忽逞  
靈怪旋渦怒騰蹕突欲跨鼇背  
高吟思祖述擊楫何慷慨  
不盡英雄

愁殘陽空杳靄茫茫白浪中但見江豚拜

虹蜺騰我右蛟螭舞我左驄駝雪山湧駿黓雲影墮海  
門雙闕遙奔潮忽如鎖那畏溟池通重重大地裏輕舟  
疾於馬迴勒中流柁看山目不給涉險志猶頗晴空披  
晚霞天容轉淡沱風裊葦花林抗手似招我到岸已解  
嚴不覺笑言嗟咫尺瓜洲城兩三點星火

蕪城雜詩十二首

扁舟新趁暮潮平旅鴈聯翩正北征不解勾留緣底事  
春風細雨廣陵城

屈指燕雲路尚遙同心三五酒杯邀綠楊萬樹臨溪水

小萬卷齋詩藁

卷一

七

知到揚州廿四橋

一道春光上大隄隋宮花草已淒迷欲尋杜牧三生夢

歌吹聲還在竹西

瓊簫何處夜深聞放槳湖陂盪白雲南部煙花都占盡

卻評明月二三分

繡簾雕檻四圍遮競譜新歌樹樹花惆悵吳公臺下路

更無人問玉鉤斜

風吹千頃綠波連浴鷺飛鳥避畫船斜日欲沈人散盡

雷塘西去草如煙

螢苑雞臺舊迹荒瓊花終古不重芳風流已斷琵琶響

賸有康山舊草堂

一碧邗江霽色開城南城北好樓臺尋春兒女知何事

也到梅花嶺畔來

遙天一抹霧冥冥賦罷蕪城酒欲醒只有無雙亭半角

甘泉山色爲誰青

雲山閣下掩孤篷千里郵程類轉蓬驚聽早鶯情乍感

一年春事鶻聲中

無邊風景蜀岡頭騎鶴曾爲兩度遊剛是紅橋歸棹晚

淡煙斜月滿天愁

梁園紅雪喜頻探人意爭如蜨意貪可奈東風太無賴

小萬卷齋詩藁

卷一

六

輕帆送我別江南

登平山堂

青山不肯過江來橫空九疊屏風開青山似我舊曾識

羅列階前相拱揖纍纍擁髻排螺鬢都在縹緲煙霞間

俯臨千雉金墉壯勝絕淮東第一觀

吳郡蔣衡書此  
五字今勒壁間

明若近終復遠大類幽人性疎蹇登高引手徒招邀天

半浮陰露層巘今朝日朗春光晶峯峯恰與闌干平檻

外江流浩如帶洶涌恍聽波濤聲挹取長江作杯酒酬

酢山靈倘開口賢守已往知幾年空向巖巔問歐九我

來訪古登茲堂摩挲遺跡畱甘棠飛閣崇臺鬱天造觚

棲金爵紛騰翔風流合是湖山主奇景搜羅得十五攜  
客羣游載月船看花雅訂彈琴譜經今鳥去孤雲還蘇  
劉子瞻原父吟咏誰躋攀平原千里望不極崑岡遙邈茱萸  
灣采采靡蕪奉宿莽俛仰華棖結遐想蒼茫人代多廢  
興江南山色長青青高瞻遠懷天地闊但見晴嵐欲排

闥

荏平大雪

一白皓天地羣峯疑有無關河勞遠夢風雪滿前途宿  
鳥叢林失寒燈旅邸孤從來身作客何處不崎嶇

雪後道潭甚不可行至鄭州易車而舟紆迴數十里始

小萬卷齋詩藁

卷一

七

至雄縣

渡河發征輪千里馳輕輓拂面風如刀解衣塵滿斛行  
行冀邱道天忽遣滕六三日不出門客心徒欲速策馬  
強赴驛但聞歌獨漉烏呼泥滑滑人苦足縮縮前路愈  
險艱咄嗟愁僮僕求伸漫蠖屈羸角竟抵觸亶迴馬還  
淳雷碾車脫輻幾同豕負塗詎止驂絀木進寸退又尺  
臨歧空躑躅舟楫幸可通兩度登臚舳春水深半篙雲  
帆挂幾幅窗小僅容斗波皴乃成穀我本澤國居喜遊  
南浦綠晴湖一鏡平沖澗得遐矚莫嘆行路難且聽欵  
乃曲荒邨起炊煙暝色已騰陸偶沿大隄傷借問何處

宿踏月入茅店新醅正初熟

出都途中雜詠十首

燕臺去後苦思歸攬轡郊原對落暉翻笑揚花忙似我  
一天晴雪撲人飛

招搖鐙影滿隄紅陌上披襟趁曉風最是雞聲催戒道  
惱人情緒月明中

客思無端盡日迷天邊依約遠峯低平蕪是處成新綠  
冪歷寒煙信馬蹏

繩牀土銼屢追陪遠寺鐘聲莫漫催偏到夜闌人寂寞  
輕颺吹破紙窗來

小萬卷齋詩業

卷一

十

挑鐙爲寫斷腸詞攀折還應惜柳枝何況章臺人再過

五更月落酒醒時

瀛洲店壁有李雨邨編  
修柳枝詞曾手錄其藁

舊雨新筵好共傾鍾陵今復見雲英無心更問春風曲  
但聽琵琶第一聲

游絲荏苒度流光回首空思百戰場雲外子規嗥正急  
依稀殘夢又黃梁

古碑三尺碧蘿紛倚樹婆娑日暮雲我媿文章非杜默  
摳衣空拜項王墳

薄霧冥濛耿絳霄新晴天氣紫驪驕市聲漸遠波聲小  
又逐飛花過石橋

空林寂歷欲停車嶺路千盤望眼賒鳥語撩人人更倦  
綠陰如幄是天涯

宿遷舟次阻雨

風急雨冥冥孤篷帶夢聽雲山空斷鴈身世兩浮萍  
水漚千點長途酒一罇恐聞老龍吼吹起浪花腥

自淮上解纜一日夜至揚州

一夜淮南別過飛估客橈雲奔山似馬風駛水如潮  
古戍紛難記平湖望不遙始知巴蜀道千里只崇朝

舟中偶成

人家兩岸夾清溪野色昏黃漸欲迷路曲總忘風順逆

小萬卷齋詩藁

卷一

三

波平難定水東西坐看天末孤煙起稍辨雲中遠樹齊  
笑指翠螺如我迂鄉山回首久相睽

男鼎元校字

月影上秋簷一月交星幾微

水影千峰玉盃酒一棹涼開笑語如秋晴更秋

風勢雨冥冥亦盡帶寒聲山空瀟瀟暮雨新

風雲共笑雨

無語收歸夢天

空林寂歷欲停車嶺路千盤望眼賒鳥語撩人人更倦

小萬卷齋詩藁卷二 己未庚申

涇 朱琯 蘭坡

讀書自箴八首

古人不可作有書爲攷稽後人不可待有書相餉遺此事倘遂廢百代將終迷天地洩苞符聖賢垂典彝勝境苦未到虛生徒自悲孝先負便腹踐猷稱總龜服膺弗敢釋永世以爲期

漢儒重章句經濟有董賈宋儒研心性博通有鄭馬騁驅分道馳誰肯寄籬下舉世好訾訾遇事轉啞少見多所怪一笑悠悠者

小萬卷齋詩藁

卷二

一

武侯觀大意淵明不求解昔賢所已行未必盡模楷吾輩勵困學窮搜而遠採奧義窮錙銖遺文闕疑殆太羹滋味長豈遂廢菹醢地球寶光燦亦不棄珠璣隨時自有得毋徒嘆煙海

徐庾少實學孔賈無文詞彼我更相笑擅場兼者誰文詞豈華藻實學非支離苟或通其意何必分兩歧力雖不能至中心嚮往之所以聖門教學本無常師不登宛委山策府多散亾不發汲郡冢典籍多荒唐唐美玉去其類精鏗擇其良欣欣可獨樂亟亟如未遑案頭列經史萬丈森光芒

讀書如理絲其初紛齟齬冥心以相索稍稍見端緒久之乃貫通得甘卽在苦奇情天外來妙義眼前取古今號善學漸進原有序三餘下帷者此際毋自阻披卷偶稱意昭曠若發蒙他時再參校所見或不同至理豈有二造化無終窮資深由自得左右原可逢皓月照我眼黃河入我胸日新而又新語在湯盤中年少喜嬉遊有書苦難讀邇來略解事雲煙旋過目吾聞師曠言至老猶炳燭况富壯盛時日中光倍昱字宜辨三豕談乃折五鹿開卷卽有益爲學知不足慎勿恃穠華書紳聊自勗

小萬卷齋詩藁

卷二

二

羅浮蜨歌

并序

梅坡家兄自廣州寄蜨繭百枚次第俱出斑斕可愛十餘日飛去雖鑰之莫能禁也殆其仙乎因賦之

阿兄新作羊城客爲訪羅浮勞遠涉三十六鱗緘素書丹繭駢羅置行笈厥包重重如米囊其中云有翩翾蜨詩朋愛惜頻摩抄覆以紈巾鑰諸篋晴窗展視繭初破蠕動俄然爭一霎藏形久爲冬蟄伏脫胎遠類春蠶捷偶拂鏡匣棲簾鈎薄於冰綃大於簦生來便自負文章金縷衣飄金綫壓神光煜爛目幾眩粉質輕盈手愁捻身凝彩霧香濛濛翅鼓涼颺聲獵獵掌上盤旋八風舞

釵頭陸離五雲壘縱使滕王工寫生得其形似神未攝  
梅花邨裏月落時髣髴冰魂飛一葉若從鳳子問前身  
非因橘蠹非榆莢曾聞博羅山之巔自古栖真半仙牒  
葛翁上昇賸衣袂麻姑已去畱帚穉紛紛異辭疑調語  
毋乃所見徒目睫分明烏固猶未開羽化一朝理難浹  
得非仙迹果有因來既無端去亦使我學莊生作達觀  
栩栩蘧蘧興頗愜珠明耀真巖洞奇欲往從之尚可躡  
西堂振觸千里夢夢裏高歌渡江楫矯首蓬萊路迢遞  
五溪那畏飛鳶跼口饜石髓披青霞風雨縱橫兩山接  
登金鼎山至神仙庵四首

小萬卷齋詩藁

卷二

三

山行不知遠一路靄林霏煙外梵鐘出草閒  
屐屐稀我來尋蕙始聊自息塵機漸到老松頂  
風吹蘿薜衣

飛鳥忽在下舉頭天際看濤聲連地急石氣逼人寒  
樹密如雲覆崖高有徑蟠凌虛獨來往欲振九霄翰

招提偶一憩逸興尚騫騰野曠晴巒合天清爽籟增蕭  
辰逢落木寂境訪孤僧卻望所來處蒼茫千萬層

此地宜棲隱高蹤鸞鶴羣蒼然山色古遠自九華分

山又

名小九華盡日畱青嶂長林對薄曛神仙不可接楓葉又紛

紛

送家西浦大令一  
謙之官粵東

君如昆吾百鍊刀寒光耿耿明秋毫又如廣陵千丈濤  
清流噴薄聲滔滔憶昔結交纔弱冠元龍意氣人中豪  
文壇肯等邾鄆附筆陣絕勝皋蘭塵橫經幸列董公座

余與君同受  
業胡損齋師

對牀永夕焚華膏奇文共賞疑共析豈無

義蘊煩爬搔偶然雄辨驚坐衆鉤如廣殿聞蒲牢花晨  
月夜數相和君方執簧我執翻竭來奔走長安道輭紅  
塵土徒喧囂君旣八年守株兔我亦兩度馳輪尻棄置  
空憐飲墨水遄歸依舊披青袍苦向曹倉辨魚豕聊開  
蔣徑誅蓬蒿忽聽分符宰百里登陴新得蝥弧操逆境  
陽鱈那可顧盈田荼蓼宜先薶王喬飛鳧政自舉潘岳

小萬卷齋詩藁

卷二

四

種花民忘勞不爲繭絲爲保障安敢乙乙窮抽繹番禺  
古稱形勝地風帆浪舶連千艘颶母鼓怒海波汨壯心  
疑欲騎鯨鼇越王臺基問髣髴浮邱山勢瞻岬嶠丈夫  
宦遊亦快事關河萬里將翱翔笑我終年作書蠹幾如  
跛鼈追駿驚涼秋九月霜氣肅滿城風雨方題糕齋前  
落葉吹颯颯雲中旅鴈鳴磬啓珠江迢遙庾嶺隔魚箋  
難達中心切此時少安且無躁相與對飲持雙螯策馬  
遲遲送君去出門仰首江天高

將有乘山之游東胡玉鐮同年

世琦

二首

柳來雪往共驅馳京洛深宵對酒時棲息故園翻久別

寂寥佳節倍相思涼風笠澤鱸成膾細雨柴桑菊滿籬  
欲乞吳箋三十幅晴窗一一寫新詩

登臨夙約極崔嵬往歲蹉跎惜幾回雅慕奇蹤禽向侶  
閒尋勝景水雲隈重關壁立雙飛石古寺煙寒一講臺  
山有飛來石  
誦經臺諸勝此際九霄秋氣爽山頭紅樹待君來

玉鑣館中植菊數盆觀者見少作禁體詩謝之戲次其

韻

秋氣耿我懷須憑酒杯沃有酒倘無花酒亦令人俗花  
少乃愈貴毋爲白茅束儵然供數盆樂可窮曠旭一二  
素心友相將入林麓空谷闕爾音聊寄塵外躅整斜各  
小萬卷齋詩藁  
卷二  
五  
有宜疎密隨所蓄試登賞花臺已堪揚大纛甬澆土恒  
潤葉剪手猶馥落落自怡悅何心與世逐匪必詡孤高  
離人立於獨曾聞老氏言知足斯可足我亦久處寂散  
髮脫羈梏惡喧有同癖渠輩非吾族此中得真味無欲  
所不欲坐對兩相忘人淡本如菊

喜玉鑣至偕游乘山暨家璞園明經煥養泉秀才鑽省

庵孝廉煊和胡琴浦師原作

連峯巨東南到此陡欲住崩騰勢未已一氣莽回互門  
戶獨自闢不肯安割據諸山等兒曹合沓乃齊赴我夙  
喜臨眺煙霞抱沈痼向平期五嶽反爲婚嫁誤終南偕

隱者捷徑徒邀譽何如當前遊每與賞心遇良朋幸矣  
止曠浪慰情素提壺興同劇支筇力得助千盤松引人  
九折藤爲路偶過黃葉林時黏白雲屢清泉有龍蟄怪  
石如虎踞遙望生公臺披經坐花跏買勇陟其巔驤首  
左右顧遼廓空無垠高詠飛鳥句紆迴入洞天當年讀  
書處從父遵先公偕友四人  
讀書此山因繪五老圖五老圖猶存芸窗已非故  
乘除感世事理可啟禪悟樓頭酒方傾谷口雨忽注躡  
屐更探幽頗亦領奇趣槃槃安定師才擅登高賦巖壑  
盡生色萬象恣噴吐脫帽驚老僧笑倚丹楓樹蒼然暮  
色來遠峯墮雲霧揮手謝山靈寒鴉促歸去

小萬卷齋詩葉

卷二

六

族兄新田新闢綠竹山房兄子丹厓秀才愷屬題

我家兜峯下繚垣接平麓雲影盪我曾嵐光悅我目年  
來倦奔走無分林泉福吾兄淡蕩人幽壑卜新築地僻  
心自閒邈然絕塵俗况乃秋氣深一雨便如沐阿宜拉  
我遊畱題謾相屬蹒跚未覺遠窈窕還多曲初歷華子  
岡漸入愚公谷碕嶺連以緜崢邱往而復有山恰盈仞  
有水亦盈掬一寸二寸魚三竿兩竿竹落葉煙濛濛長  
松風謾謾車馬靜不喧衣裳清不醜猗嗟盤之阻結此  
數閒屋屋前堆穉榼屋後置碌碡荆扉雜編茅槿籬護  
眠犢頗有隱者風閉門萬事足野老更殷勤餉我芋魁

孰莫問世上名且飲杯中綠人生貴適意何苦自羈束  
棲遯慕求點聯吟學皮陸草堂爲馳檄盡謝逋客躅屹  
立撫篔簹依依暮寒綠

次韻拙筭大兄固城湖阻雪見寄

客路飛鴻鴈蕭寥悵各天三春剡溪雪一棹固城船魯

酒不成醉吳山空望懸

時將赴靜齋  
二兄於武林

何當尋舊約風雨

對牀眠

題李義山詩集

學海波瀾使筆隨

崔珣哭義山詩云  
學海波瀾一夜乾

精華真得杜陵師

蛾眉蕙草騷人怨鐵網流蘇幼婦辭季世才名高輩行

小萬卷齋詩藁

卷二

七

中朝黨局極傾危揚劉漫效西崑體那及韓碑壓卷詩

奉和族叔石泉先生

蔡

六十初度詠懷之作

仕不須二千石賈不須五百萬但爲桑苧翁到老猶強

健觥觥叔子羲皇人蒼髯皓鬢如松筠當年意氣磊落

無等倫棘闈屢試不得志歸來獨臥滄州雲阮公晚歲

彌曠達默坐跏趺學禪悅矍鑠老子偶出關鄉里糾紛

立談決閒中自闢蘿龕吟嘯風與月石泉泌澗旗峯屢

屢勵千歲之苓采九光之芝攜杖有桐孫舉案有萊妻

五鼎奚羨主父偃三樂盍問榮啟期胡爲擊壺撫劔漫

賦懊儂曲細數平生歷歷同轉燭前波未遠後波續我

欲進公一言爲公祝曾聞新息侯蓋世名垂銅柱雷乘  
下澤車款段馬此意翻思馬少游又聞陶朱公功成樓  
隱五湖中三致千金終復散鼓枻而去追無從古來萬  
事皆其偶頃刻白衣變幻成蒼狗世人競錐刀逐逐竟  
何有公卿門第倦奔走幾曾博取金印煌煌繫於肘不  
如泥飲爲喝虹畢卓甕邊常頸首醉後倒著白接羅任  
他襄陽小兒攔街齊拍手况乃先生酒膽豚酒戶大剽  
若鴈門廣勇若鴻門噲俯視餘子瑟縮類曹鄴何妨岫  
列軒家塾名前盡築糟邱臺東窗日日駢筵開樵歌漁唱  
相追陪噫嘻辟穀方餐玉法那及糟頭恣一呷稱觴上

小萬卷齋詩藁

卷二

八

壽登高堂莫使閒愁遽相雜

撇去閒愁萬種自題句也

先生聞我此

語曝然放杖還軒渠及今尋樂樂有餘

尋樂堂名

底事深入

巖洞跪拈癡龍鬚良辰週甲方伊始後尚不知幾甲子  
且與陶然共占好夢遊華胥

題柳陰垂釣圖六首

陰陰春樹合森森春波長持竿兩無言閒雲自來往

但爲縱壑魚莫作臨風柳此意問何人笑向煙波叟

不畫輞川圖不訪桃源洞斜風細雨時一覺嚴陵夢

得魚可忘筮得錢且沽酒日暮不歸來疎星挂寒甯

那知夷與惠只知蓑與笠歌罷遠山青溪頭鷺拳立

投綸足平生休輕天下士倘有釣璜人迢迢涉煙水

山居待月戲作三言詩

月出山山欲阻山畱月月復拒月與山兩撐拄一時吐  
一時茹山爲主月爲賓似相識宜相親月未缺山未昏  
永今夕融我神我待月倚山足二分水三分竹我待月  
居山中千尺瀑百尺松山何高月何小呼不來入煙島  
山在地月在天攔不住飛雲端邀明月且舉酒碧筒杯  
瀉瀏瀏佇涼月且停琴綠綺絃聞悄悄南山南北北  
遲與早催不得古月去今月來前與後分不開亭可中  
夜方半清如冰淨如練水精箔雲母屏菡萏國芙蓉城

小萬卷齋詩藁

卷二

九

花有影鳥無聲露光濕星光橫颺颺徑蝦蟆更月自白  
山自青

田家詞八首

黃雲隴畔情話綠柳陰中晚涼三日一晴一雨桔槔閒  
挂斜陽

牛宮四犉三牯雞柵五雌一雄莫問搜牢小吏終年不  
至城中

不羨腰纏十萬何知水擊三千時時倦枕鋤柄跂腳山  
頭自眠

信足高原下隰關心廣陌平疇兒童喜色相告歲歲咸

書有秋

斗酒偶邀漁父彩旗先賽田神多收粳稻三斛卽是羲  
皇上人

蓼蓼社鼓初響軋軋腰鎌幾聲滿屋新禾如櫛翻教露  
宿深更

藤蘿架下新月絡緯籬邊遠風休道太平無象老農邨  
店顏紅

桃源記中遊戲幽風圖裏逍遙終教四體無逸雨後披  
蓑種蕎

秋夜

小萬卷齋詩藁

卷二

十

秋聲忽入戶洵若波浪沓蘭缸翳不明柴門開自闔面  
壁容默坐百慮感紛遯寒侵霜半窗靜畱月一榻倚牆  
竹影低平砌苔文匝空悲候蟲吟漸聽更漏颯搖搖九  
子鈴臨風似相答忘言東軒傲隱几南郭塔案上置楞  
嚴鑪中焚艾納巖巒思幽棲煙霞供吐飲且復理苾屨  
明朝攜野楫雲深葉落多扶筇滿山踏

汪氏承祧詩

并序

汪君某少孤家無次丁以一人承兩祀奉二孀母甚

謹有子四將分祧焉介胡文圃秀才

先炳

索贈

獨樹挺雙枝孤花開四照水木自有原豺獮不忘報汪

倫昔在疚早歲失怙冒嬛嬛胡弗攸追遠每興悼一綫  
引宗緒搖曳若風蠹坤母相竝居茹蘗勵貞操尹邢共  
鬻子井臼無妒媚卓哉特立松施此寄生蔦君爲潔白  
養陔華閒笙調晨夕馨爾膳恩勤答孳菴竭來解紛難  
鄉里禁多曩書紳有慈訓篤行頗慥慥庭砌羅芝蘭三  
索更得少有如祭天圭奉之必同瑁又如大國魯屬挾  
滕與郟閨門亦雍肅唱和叶堦跂他年派遂分耐各於  
其廟吉蠲是用享益餠陋奧寵冢婦歌采蘋應煩左右  
芼能不廢先祀中心得毋忒伊今酌春酒萊衣舞且蹈  
清都兩玉女啞然投壺笑萱草樹之背經霜豈變貌我  
小萬卷齋詩藁

卷二

十一

亦侍板輿出入資育燾羸負思式穀千鈞髮垂髫恒聞  
彤管箴幸博

金門誥湘釜奠宗室念昔前人教文圃我良友介紹來  
就告境地略相若振觸使儂懊長言喜往復此意堪作  
孝似續將蔓延瓜瓞爲君禱畢萬後必大豈弟神所勞  
聽松樓古琴歌爲家順百翁備作

聽松樓上松風鳴松聲謾謾風泠泠夜深萬籟方寂寞  
迺從五絃十指之閒生主人愛琴作琴操高低緩急皆  
殊妙空山一闋風入松幽澗流泉恰同調當年曾客漢  
江潯枯桐三尺無知音拂拭埃塵寶光發重之不啻雙

南金囊以文錦束以組什襲常留古琴古焚香瀹茗頻  
摩挲簾外蒼松滴疎雨君不見伊古烈士珍惜太阿與  
龍淵長虹耿耿高接天佳人手握青銅鏡默坐開奩曉  
妝靚我輩讀書他何求目之所遇神輒留奇物偶遺俗  
眼白終有好古之士勤劬搜中郎自昔能識曲經行卻  
選柯亭竹焦尾聲從爨下來有如豐城劍氣初出獄君  
今琴心澹如此端居淨洗箏笛耳吾欲乘月登樓聽綠  
綺一彈響松濤再彈落松子成連自足移我情何須直  
上蓬萊望海水憑君切莫爲商歌洞庭木葉翻微波九  
秋愁思何其多君子鼓琴以儀節攬醴牧泛畢竟非中  
揮且將招爾雲中黃鶴樓頭飛

九日堯峯登高四首

山勢鬱蒼蒼登臨覽大荒菊花新滿野天氣又重陽遠  
嘯聲如應高歌興轉狂何當凌絕頂呼吸帝臺傍  
不藉垂藤接超然獨杖藜人盤孤鳥上天壓萬峯低舊  
俗同黃佩新詩付酒奚迴旋看下界疑已躡仙梯

絕壁巉如削憑虛我自驚白雲寒野色黃葉戰秋聲落

落層霄迥冥冥列岫平空山難久立千里朔風橫  
蠟屐平生志良辰到翠微天容初潑墨嵐氣欲侵衣石  
徑松花落人家竹樹圍攜樽重回首前路踏煙歸  
詠秋海棠四首

歲歲花開繫寤思斜風細雨倚闌時三分嫩色輕煙護  
一片愁心凍蝶知瘦欲泥人休灑淚寒應憐爾又垂絲  
東籬勿藉增光寵

蛭史以秋海棠爲菊婢

當作鍾山石上芝

風光細膩植靈根碎纈檀心半吐吞暈綠裁紅初作態  
哀蟬落葉總銷魂叢披徑曲苔千點淡照牆陰月一痕  
卻是露華零草候吟蛩相伴過黃昏

小萬卷齋詩藁

卷二

三

輕脂淡粉學明妝位置端宜寶鏡傷任是無情終惹恨  
誰知有色卽含香低迷畫閣清秋夢颯爽金飈永夕涼  
醉酒花前花欲語逢人莫訴九迴腸

芍藥靡蕪合作羣柔姿脈脈望如雲玉階弄影偏依我  
銀燭雷光復遇君籠到碧紗添旖旎供煩紅袖展殷勤  
忘憂草擬同移種免使秋來萬緒紛

吏治篇

并序

胡雲九明府

士程

宰饒陽著稱移疾歸有別吏民詩

見示索贈因感吏治之雜下筆不能自休輒成五言  
一百韻非徒云美聊爲居官者託諷云爾

古來爲循吏大抵由通儒政事與文章兩不差錙銖仕  
學原一貫報稱非迂疎每讀班范傳感歎恒歛不敢  
問世人此事今恐無先生何卓哉早歲操奇觚決策慕  
賈董獻賦追嚴徐雞壇奪標幟蕊榜登賢書風塵京洛  
中往往輪蹄驅一行遂作吏百里初分符饒邑古博陵  
舊迹餘無萋當其入境時但乘薄輦車始官如晦室單  
父未免懼公獨鳴五絃優優政自敷姦伏難發適必爲  
窮根株老稚易流離必爲謀匡扶民不知非役獄不罹  
無辜明如玉作鏡清如冰在壺有暇卽種花克寬常用  
蒲庭外旣羅雀釜中亦生魚有時興水利舉畝濬溝渠

小萬卷齋詩藁

卷二

十四

有時興學校帶經荷耒耜譬彼受牛羊先貴求收芻又  
若結網罟尤戒竭澤漁里巷相與安目染更耳濡習勤  
絲滿篋務本禾滿畝爭者息於野行者舞於途不其虎  
服咒中牟雉惜雞電傷不至邳蝗起不過騶展也德惠  
深灌頂真醍醐大府將課最指臂其助余

璽書用勉勵行且建綵旗先生忽掉頭移疾盍歸乎解  
印陶靖節唯恐田園蕪思鄉張季鷹豈僅尊與鱸知足  
斯不辱何必金紫紆父老聞此言各各傳邨墟婦孺聞  
此言鬱鬱情不愉襁負入縣門都來牽其裾聞道欲命  
駕都來攀其輿羅拜進一語願布心區區使君昔未來

曾苦衣無襦使君旣已來暮夜無追呼使君久居此成  
鼓無鳴杓使君肯不歸下邑成康衢潁川思借寇朝歌  
正需虞胡爲竟棄去翩然賦遂初先生垂聽之四顧還  
嗟吁風俗信醇樸豈不懷此都敢曰畏勞勤善刀自藏  
諸七十可致事曾聞古大夫我已過六旬白雪盈頭顱  
功成則必退煙霞誠我徒慚乏活民術忝竊三年餘幸  
得抽手版從此棲遽廬矧有後來者罅漏能補苴寄謝  
諸吏民慎勿淹斯須父老知難留爲公唱驪駒婦孺知  
難留萬目張睢盱一炷瓣香持一樽清酒酌猶冀騎竹  
馬他日迎雙鳧小人本難保可化不可愚問何以得是

小萬卷齋詩藁

卷二

五

毋乃中情孚在昔孫可之嘗書何易于治績敘益昌于  
載堪師模後將黠吏狀一一細描摹給事校上考首重  
督賦租往來有達官門前爭走趨厥或夸於衆我能攻  
崔苻豈意積蠹久更覺人人殊健者喜敲扑百姓無完  
膚懦者擁黃紬簿錄多紛挐最下乃貪黷陸海欣膏腴  
童僕盡醉飽親戚咸華膺囊帛而積金忍視民交瘡高  
堂漫箕坐叱咤等罵奴簪紱終當投瓦礫或與俱倘使  
孫公知掩口應胡盧方今賦役聖皇作億萬蠲宿逋六計獎吏治先拂後則俞庶幾任  
令長洗心滌慮歟磊落維先生才行誰能踰北道我偕

計頌聲聞路隅偶爾逢賓朋籍籍羣相譽既退無後言  
諒不同面諛江南八九月歲星移鄉閭冀黃變巢許高  
蹈名豈虛林泉自瀟灑杖屨頗嬉娛將尋赤松子五嶽  
築幽居將訪白香山九老披畫圖身已兼吏隱理還隨  
卷舒示我畱別詩咳唾成瓊珠上言民相思撫字知艱  
劬下言告新尹殷勤皆遠謨快快那忍別勒馬空踟躕  
桑麻尚關心晴雨問何如

君詩有或或良  
苗雨後新句

前聞證後語

善政良非誣欲紀岷山碑筆媿如椽麤且與擘蠻箋聊  
爲歌吳歛存之俟采風青史永不渝  
北遊

小萬卷齋詩藁

卷二

六

阜雕雖翦翼心不忘翱翔駿馬偶蹶足意氣仍騰驤丈  
夫志天地門左桑弧張守株那可待見獵翻如狂抱璞  
泣下和掌乘羞王良不忍卽誓墓將復爲發棠燕京數  
千里道上風沙黃况乃窮冬時雨雪紛其雱慈母難遠  
離臨行縫衣裳山妻夜中起親理橐與囊僕夫方在門  
結束恩恩裝驪駒已在路振鬣聲琅琅天末有兄弟攜  
手還同行尺書約相赴一舸趨吳閫

靜齋兄以詩典入  
都將往姑蘇赴之

懽顏幸接袂別淚休盈眶

國家重儒術草莽皆對颺長卿賦上林子雲獻長楊吾  
敢希曩哲聊爾登詞場苦辛勿復道遇合原無常六年

走塵海五字成河梁羈旅久習慣關山何阻長驅車大  
江北仰視天蒼茫

淮陰侯釣臺歌

我讀史遷書太息淮陰事幟空趙軍拔劍偏鐘室賜竭  
來快作燕山遊朔風吹動長淮流羸顛劉蹶了不問但  
見荒臺突兀凌城隗登臺昔學磻谿釣慢侮英雄盡年  
少圖南萬里人豈知賤日甘供鸞鳩笑風雲叱咤騰蛟  
螭投竿拂衣從此辭軍中忽致天子拜陣裏常奉上將  
旗滎陽京索城俱下不爲真王反爲假淮陰亦是韓王  
孫迺有當時躡足者咄哉隆準烏喙長埽除猛士如蝟  
小萬卷齋詩藁

卷二

七

蟾杯羹忍便棄翁姥菹醢那不夷英彭可憐將軍非跋  
扈只爲功高遂震主鬱鬱羞與噲等伍未央宮中恨終  
古時至鯢化鵬途窮虎變鼠令我搔首長吟淚如雨我  
聞嚴子陵澤畔一領羊裘輕又聞劉遺民枕巖棲谷藏  
其身鴻飛冥冥人何慕塵世如逢武陵渡天外浮雲相  
對閒至今猶識垂綸處韓侯韓侯吁可哀斷碑三尺空  
崔嵬摩挲一日還千回前途莫上歌風臺

漂母祠二首

一飯思酬報千秋古道存從來真國士不忍負深恩解  
劍心同感藏弓事莫論何須嗤蓐食落魄是王孫

士盡驚壇上人皆笑市中如何一老嫗早已識英雄我亦風塵客側身天地空苔階還下拜莫便挂征篷

下邳弔張文成侯

畱侯當日辱泥塗夜半橋邊孺子呼早識白蛇興國運猶煩黃石授陰符奮椎氣奪秦皇帝辟穀心同范大夫若使淮陰能似此蕭曹功業豈應殊

荀卿墓

戰國兩大賢荀卿與孟子歷聘諸侯王遭逢略相似胡乃讒口詆蘭陵獨廢死嘗讀勸學篇閱意發妙指性善反云惡憤世聊爾爾譬猶太倉粟偶然雜糠粃孟荀必小萬卷齋詩藁

卷二

六

合傳推崇極遷史韓公雅慕古論道亦竝擬吁嗟莽大夫齷齪何足齒宋儒好臧否未免深文詆李斯亂天下師豈玷於弟不見宗聖門縱橫出吳起浮邱及毛公傳授况多士洙泗旣已遠斯人實具體兩廡德維馨百代理宜祀我來古道邊有墓平如砥叢叢宿草荒磊磊豐碑峙人往風亦微高山勤仰止

車中望嶧山作歌

嶧山翠展如春旗嵯峩石骨凌丹梯千里平原到此一束縛卓立屏幃面面生光輝鍾靈自昔徵嶽降名世五百年爲期尼山禱祠有同應鬱蔥佳氣上連蒙與龜亞

聖已往三千有餘載至今煙霏霧結依然天宇浮修眉  
曾聞秦皇東遊海岱涖茲土漫誇玉檢兼金泥稽古封  
禪之君七十有二代大都撰述功德高巍巍勒石下告  
萬萬世刻畫者誰丞相斯籀書始變爲小篆毫巔神妙  
人驚竒此本流傳亦各異識者往往云苦肥後來邯鄲  
胡母凡幾輩紛紛摹擬常臨池不如斯也鸞翔鳳翥無  
俗姿文字雖可慕凶穢亦可嗤魯國諸生抃舞拜頌多  
諛辭古來德豈藉銘顯濡染大筆徒爾爲暴君那能一  
手盡揜萬口同聾癡是時凜冽嚴飈吹長安遠道奔復  
馳行行且止騁目山之陞但式孟氏里莫問秦時碑山

小萬卷齋詩藁

卷二

五

色青青馬上看不足浩然臨風望古生嗟咨  
東方曼倩故里

長孺諫用直曼倩諫用譎譎者言如圓直者心如鐵致  
君要有術何必太剛折卓哉東方生詼嘲廣長舌上書  
好自譽智能垂竹帛伯夷與子路無妨併一轍身在明  
光宮官不過執戟文章荅客難意氣殊律兀豈僅逞談  
辯危言誇衍奭漢武惑方士神仙遂成癖從事十八年  
謾云歲星謫深悔失交臂併優畜無別後儒多好怪誕  
幻姑妄說誰知諷詩書名重諍臣策平原桑梓地景仰  
動行客高風不可作覩此漸漸石

白溝河

勝勢居然控上遊三關當日守貔貅  
薊門木落天逾闊碣石風寒水不流  
北望山河橫鴈塞中分遼宋割鴻溝  
西湖片土吾何恨早棄燕雲十六州  
樓桑邨

織屨當年舊有邨童童老樹賸桑根  
潛龍下國瞻車蓋逐鹿中原走劔門  
六尺遺孤難繼緒千秋故里總銷魂  
惟憐王業偏依蜀不及新豐復子孫

張桓侯廟

草澤英雄奮威靈百代豪虎熊偕馬趙  
狐鼠貌孫曹義

小萬卷齋詩蒙

卷二

三

翊偏安局身忘苦戰勞堂堂餘勇在空仰  
廟門高

過涿州大風和靜齋二兄作

大塊噫氣如土囊呼號憤發無故常南人不識地勢異  
但驚威怒千倍強涿郡已過濡涑北古之上谷爲保障  
客子五更戒徒御城頭殘月猶昏黃戍鼓統統近將曙  
朔風獵獵吹我裳頃刻蛟鼉作哮吼飛廉箕伯皆中狂  
奔沙滿地石亂走陰雲蔽日天無光初疑大將出行陣  
金戈鐵騎紛騰驤又疑馮夷舞滄海波濤洶涌連天潢  
有力何難拔樹起無人竟敢披襟當勢類危灘鼓逆柁  
眼看赤驥同跛牂雙輪幸抵百鈞重不爾席捲凌空翔

我時困臥默無語三日新婦車中藏  
拳帷偶問路何許  
踰然對面揚秕糠冥心聊復當箕簸  
高陂下澤隨低昂  
吁嗟性命若兒戲千金始悔忘垂堂  
連蜷甘作凍蝟縮  
跋扈倍逞纖刀鋏衣上生稜體生粟  
自捫兩腳成枯僵  
馬毛零落蹠欲脫僕夫慘淡神不揚  
前望旅店百難到  
躁如稻蟹身將糖喧聲聒耳知近市  
急熾鑪火分芽薑  
餘勇猛烈尚可賈重簾磨颯誰能防  
嚴寒縱便等大漠  
行路莫漫悲他鄉不見西南用兵處  
兜鍪夜夜凝冰霜  
世事苦樂那堪道念此暖纜迴春陽  
坐中且試縱談笑  
願吹野水添壺觴

小萬卷齋詩藁

卷二

三

姪贊元校字

小萬卷齋詩藁卷三

辛酉壬戌

涇 朱珩 蘭坡

法源寺懷古

城南古寺如金墉傳自李唐貞觀中千有餘載留遺蹤  
蒼然喬木松栢桐當年寰寓稱時雍揚威海外興兵戎  
朝鮮箕子之舊封遠徵尺布輸巴賁命將厲士連艤幢  
旌旗蔽遮鴨綠江從來黷武難成功銜刀浮渡無阿童  
全軍盡化爲沙蟲輪臺之悔漢武同萬人白骨高龍從  
一杯淨土埋釋鞞終古遺恨平陵東焚經臺上多悲風  
厥後安史紛內訌祿山已滅思明降勒石紀績豐碑崇

小萬卷齋詩藁

卷三

一

侈談報國欺愚蠢張子龍文鼎可扛蘇君使筆如長虹  
惜哉幕府失所從空令俯首慚顏紅誰與賢者文節公  
巍巍人中華與嵩西山薇蕨甘途窮妥靈胡弗營祠宮  
殿前老衲雙方瞳那識南北分禪宗手披梵筴號寒蛩  
唐宋往事惛如夢蹴居我本羈栖鴻深避堀堞塵不逢  
午夜側聽東林鐘興來獨步驚疎慵訪舊捫碣心憂忡  
感嘆興廢真飄蓬世人當作尋花叢香車寶馬聲隆隆  
園中晚坐遲胡杏溪同年世堦在安陽未至

翰墨西園快得朋碧天如水晚涼增檐端歸鳥亂鄉語  
樹頂朗星懸佛鐙磬鼓已持三月課風雲誰作九霄登

卻憐鄴下稽遲客何日同傾酒數升

杏溪入都未久春闈報罷仍赴安陽識別三首

苦爲微名累天涯各寄身事從忙裏過交到別時真長  
劍莫彈缺敝衣難洗塵春明門外望無計駐征輪

得失偶然爾英姿非久藏一生文字契千里道途長有  
酒消離恨何心說戰場還憂少僮僕夙旦獨輕裝

暫聚忽言別愁聞車馬喧狂歌老常侍幕府舊平原

謂趙

大令折聖忘深夜裁書返故園恩恩意不盡漳水日潺

湲

望雨篇

小萬卷齋詩藁

卷三

二

吁嗟皇天久不雨赤日炎炎猛於虎憂心如焚豈憚暑  
但恐無禾復無黍吾鄉昨歲農事苦下隰高原十遺五  
鼓以琴瑟御田祖艱食人不能二鬴或採於山饑可茹  
亟種麥苗力須努抱甕終難學灌圃今者不雨後奚補  
悵望晴雲奈何許

聖人在位德施普痲痺哀我民有瘋

大雩已奏桑林舞上下

神祇奠瘞舉

駕益龍潭水之澣

至誠明且敬

天怒不問枯槁問柱礎莫使行人口生土吁嗟皇天何不雨

喜雨篇

天門呀開下明詔急捕乖龍如捕盜雷公奉使勅六丁  
搜匿山林速來到衙衙上天雲氣重能收雌蜺乘雄風  
霎時倒流江與海女妖遁走追無蹤欲雨得雨萬事足  
大者爲溝小者瀆

至尊含笑言撤壇蠲租賜復

恩波寬戒爾羣臣慎毋頌君民一體憂宜共農人拍手  
歌嗚嗚雨玉爲粟珠爲襦况乃太歲行在酉從來乞漿

小萬卷齋詩藁

卷三

三

卽得酒倬彼甫田十千取自今以始歲其有我方寂坐  
祇陀園倒身甘寢生微寒平生不解齊民術昨夜欣占  
月離畢虛堂靜聽雷輪輟階前積水紛縱橫誰築蘇公  
喜雨亭太空冥漠難爲名徒有亂蛙兩部喧闐聲

苦雨篇

三月晴三日雨雨不足喜翻足苦昔懼爲旱今懼澇田  
中水深難擊莫萬里黃河落九天雄聲殷地狂瀾倒廣  
廈竟作坳堂舟滿坑滿谷皆浮漚考槃豈類寤歌者聊  
堪漱石兼枕流夜來漠漠天昏黑疑是蒲城鬼神入挑  
鐙相對無人色蒼螭潛蟠瘦蛟立五更何處安繩牀沈

竈產龜圍晉陽布衾沾濕不得睡終宵瑟縮雞棲梁我  
將仰赴真宰訴元氣淋漓收不住尺半大魚飛上樹莫  
學琴高騎赤鱗一朝撒手南溟去是時檐溜猶綆糜泥  
沙但聽鄰牆欹卻憶農家地低隘把頭出茵鎌生衣蘇句  
君不見杜陵茅屋嘆屋漏無乾雨未斷又不見白傅琵琶  
行黃蘆苦竹潯陽城古來憂樂都關天天心不忍人  
如懸何妨時晴時雨相推遷度詞勿復託驚麴且開懷  
抱傾醞醪

後苦雨篇

陰雲沈晦天模糊鶯鷓怪叫鴝鵒呼絲絲淫雨慘不舒

小萬卷齋詩藁

卷三

四

十室九毀棲蝸廬折脇拉骼無完膚神臯坐困西南隅  
桑乾河水通直沽町塍鱗接交灌輸一朝決口同潰疽  
漫山溢谷爭奔趨倉卒一璞難補直揚波况見鯨鼈吐  
抔舞固象驕天吳有田爲澤園爲瀦中流那得千金壺  
弱者逐浪借鷺鳧強者升木隨狻狙腸輪展轉喉欲枯  
首山休論梁與麤捨命陟彼崔嵬祖訶林僑寓真囚拘  
永定右安門外難民聚僧寺者數千人 憇子覓父妻闖夫唬雅哀哀尾畢  
逋無端災禔成淪胥大吏入秦

帝曰吁繫我赤子誠何辜司農急發泉府帑六十萬米  
連艦舫煮糜爲食

恩賜鋪拊循特遣官乘桴早知南畝無黍稌  
頒詔預免明年租

至仁飢溺如在軀登之衽席羣生蘇周咨  
命進河渠書增卑培薄瀾且疏爲民禱祀臨

郊墟以誠格

天天亦孚雲華陰相在章扶長隄甌鞏逾城郛安瀾永

奠昆明湖

河上流與  
昆明湖通

不爾吾亦將爲魚時維辛酉六月

初積潦三尺門無車書空咄咄多煩紆何心更問招涼  
珠耳聞眼見皆窮途杞人之憂原非愚新晴萬象重昭  
蘇詩成聊當流民圖

小萬卷齋詩藁

卷三

五

夏杪偶成六首

淡蕩微颺兩腋生老槐千尺作松棚綠陰滿地日將午

天外玉簫蟬一聲

醉歌人訝謫仙狂枕簟清冷笑語涼睡起殘霞猶在壁  
篆煙消盡一盤香

一幅湘簾浪幾層周遮冷布觸癡蠅持頤宴坐不知暑

閒聽小街人賣冰

鄴架牙籤顧渚茶長年作客足生涯無端更立忙中課

日看園丁藝菊花

關河迢遞憶蓬廬三月江南鴈影疎卻取巾箱殘蠹紙

從頭再讀向來書

牆陰新漲尚畱痕  
笙典珠墳自討論  
不管天街泥沒髀  
禪牀吾亦懶開門

病中作四首

平安書未達  
臥病忽支離  
禪榻頓成懶  
江鄉空爾思  
擁

衾尋短夢  
欹枕續殘詩  
無限纏絲意  
侵窗斜月時

無事但枯坐  
不聞人叩關  
借書翻閣案  
斟酒暫開顏  
好鳥自鳴息  
孤雲常往還  
素心聊得愜  
權作老僧閒

輟卷光陰惜  
開園景色佳  
馬卿誰療渴  
王粲且舒懷  
側耳雲堂磬  
關心錦里柴  
猶然勤問僕  
黃菊幾多牌

小萬卷齋詩藁

卷三

六

遙夜悅難寐  
此身真欲淨  
苦經三尺雨  
深悔五陵遊  
倚几人如醉  
迎風樹已秋  
冰淵須自凜  
莫甚北堂憂

悶坐作歌遣懷

新秋天氣猶  
淹淹客懷坐  
困松風  
庵終日踟  
擱意不快  
有如鋌足  
黃鶴眠筐  
蠶身棲土  
室良已苦  
膝穿木榻  
仍能堪城頭  
翠涌西山  
嵐我不得  
從禽向芒  
鞋藜杖窮  
幽探毗耶  
居士開精  
藍我不得  
師忍粲幅  
巾緇褐相  
研參惟學昌  
黎嗜讀餘  
事不挂眼  
手披口吟  
矻矻窮書  
龕詩義問  
毛萇書疏  
詳費彪暉  
遠庫號五  
仲翔爰香  
三菊及管  
荀兼莊  
聃延闈  
廣內秘笈  
尚未覩  
徒思生死  
文字成

蠹蟬有時掩卷心緒惡平生好客來僑鄰板扉剝啄亦  
偶爾懸河辯口便作陳遵驚座焦遂驚筵談不則仰空  
一長笑上若下若傾瓢觚不則逸步謝天械疎簾清簟  
供寢竅水國煙雲入孤夢金庭洞天只在江之南榮生  
三樂頗自適底用行愁坐嘆若抱終身慚醯雞誠可哀  
禪蝨非所甘男兒封侯萬里發奇想隱然方寸突起五  
嶽高巉堪乘興且捉兔毫筆颯颯落紙長歌酣聊仿謝  
安洛下書生詠一任人嗤竈前老婢聲咕喃斜陽已淡  
擊案未知止但覺歌聲抗朗閒雜鐘聲韻

晚步

小萬卷齋詩藁

卷三

七

幽處淡忘慮晚涼秋未深遠風天際扇殘照樹頭金鶴  
立逢僧話蛸鳴伴客吟經行有佳趣獨愛海棠陰

觀習射

躍馬心空許荒郊看射棚角聲催羽衛風力入弓檠  
帝世無忘武漢池况弄兵將軍誰健者一筇下邊城  
聞楚蜀官軍捷音二十四韻

聖德周寰寓邊庭罷遠征乾坤原靜謐盜賊敢縱橫煽  
禍衝陽起追奔蜀道行埃亭烽燧警邨落杞荆生安習  
蚩尤教甘爲石乞烹龍韜勤

睿算虎旅選精兵雨驟風馳勢雷轟電擊聲嫖姚真大

勇僕射本名卿閫外宜專制軍中詎震驚智增孫子竈  
威重亞夫營鶴陣嚴難撼蚤弧捷共爭檄馳如破竹倅  
獻屢懸旌黠繫跳梁鼠狂殲掣海鯨郊應夷壁壘夜已  
落欖槍入釜魂潛泣搜山力倍勅叫謹空豕突窮蹙僅  
螳撐赦脅

恩何渥招攜網不緝協和驍將合

耆定武功成露布千行勒星郵一騎輕酬庸先玉珮奏  
凱待銅鉦甲欲傾河洗刀堪買犢耕依林鴉盡革散野  
馬初鳴

邛治常調燭雄心莫請纓慶雲占上瑞終古泰階平

小萬卷齋詩藁

卷三

八

爲文瀟亭比部題秋原憩獵圖

西風動地來颯颯吹枯草天似穹廬低絕塞霜飛早秋  
原鬱參錯落葉紛不埽錦衣貴公子朝馳薊邱道見獵  
輒心喜豪情異輕佻相遇狃之陽揖我謂我好蒼鷹初  
脫鞵劣馬肯伏阜奮怒勢獨出平蕪擊凡鳥彎弓故不  
發欲試將軍巧一發遂決眦驚鷲應弦倒迴車力稍息  
肩牡壓重轡命僕鼓洪鑪野火原就燥將割頰自娛何  
須雜蠹蕘偏提醜濁酒劇飲呼朋僚石巘晴雲開意氣  
凌八表披襟挹嵐爽曠望青未了畫品最緻密山容極  
深窈毋乃張子正寫此林亭曉闌語思贈君封侯志無

小行圍大蒐狩吉日歌伯禱肆武捺盃閒非徒逐麋麋  
楚蜀方轉戰窮寇稽

天討男兒重橫行胡不障城堡雄劔列貔虎長纓繫猺  
獠奏捷甘泉宮在泮殊躑躑凌煙繪功臣下筆增光藻  
獵弋終末技榮名以爲寶更作獻俘圖爲君屬新藁

初寒

涼颺颯爽動征衣燄燄燈光影漸微思入疎碁驚乍聽  
聲催老樹見初飛巾箱懶啟終難忍襪被新寒便欲歸  
孤負一庭風月好夜深愁坐下簾幃

九日

小萬卷齋詩藁

卷三

九

天涯九日望鄉關木葉經霜已盡斑座上持螯頻脫帽  
樽前拄頰當登山客來菊盞萸囊會秋到疎風冷雨閒  
猶見東京舊時物粉資一一綴獅蠻

寄家西浦粵東三首

此別已三載臨風常黯然淹留蕭寺夜竚望塞雲天薄  
海憐羈宦寒鐙憶夙緣羅浮多秀色應取入新篇

駐馬燕臺北分符粵嶺東相思渺天末復此感秋風善  
政馴田雉離情託渚鴻萍蹤不須問依舊輓紅中

昔射金門策同希玉筍斑君今官閣裏只在簿書閒片  
簡相投贈經年始往還何時共幽賞樽酒見酡顏

過楊椒山先生故宅

唐賢傳壞麻漢代聞折檻皎然報主心卓爾諱臣範緬  
懷椒山公英風莫能揜初諫大同市遽類潮陽貶超擢  
忽登朝忠蓋默銜感天子遇我厚誓死庶無忝分宜方  
竊柄炙手燕奸馘有子更焚虐舉國盡阿詔馬飲口若  
瘡鹿誤首亦鎖勁草能特立大樹真欲撼十罪憤填膺  
一疏勇冒險虎尾厲終蹈龍鱗逆偏犯積威豈不畏所  
恃唯一敢慷慨對徽纒談笑入坎窞倔骨斷可數敗肉  
割自噉性成獬豸角力卻蚺蛇膽觀者齒俱噤公也聲  
弗喊竟攫東樓怒甘赴西曹斬丹心千古昭碧血三年  
小萬卷齋詩藁

卷三

十

染應生小吏耳視獄頗知檢胡乃徐華亭申救苦不寔  
後來應龍輩拉朽勢差減發難公首庸惜獨逢輜輶去  
佞如拔山此事由來漸世人工唯諾那顧行藏玷疑公  
太激烈氣節日奄奄讀史皆堪裂招魂情尚慘鐵面共  
思趙金身合鑄范第宅窈而深神容煥且儼肅拜瞻靈  
旗終古天黯黯

晚眺

慘淡人煙野樹昏登樓迴眺古城根天延暝色來邊磧  
鳥帶秋光度郭門一角青山濃入畫千林黃葉遠成邨  
皇都事事關

宵旰猶有殘沙舊漲痕

聞鴈

南歸候鴈渡河汾  
嘹唳清聲靜夜聞  
千里肅霜催曉角  
五更孤夢上寒雲  
楚天木落前途迥  
遼塞秋高別緒紛  
爲語數行書早達  
鄉園兄弟久離羣

偕玉鏢訪董小榼同年

桂敷

於聖安寺

遠樹烈風息  
高城暮雲拱  
禪居脫崖檢  
塵路謝瑜琫  
靜聽役車休  
仰視歸鳥穉  
曠談如走丸  
餘興忽登隴  
偶散腰脚頑  
聊除面目嶭  
造門竟訪戴  
下帷夙欽董  
西鄰屋交接  
北海樽待捧  
狎恰思把臂  
趨趨快投踵  
聞聲僕先

小萬卷齋詩藁

卷三

十一

識應客僧頗  
懵新歡屣履倒  
舊誼漆膠鞏  
我方同負歷  
君乃獨嘯蚕  
甑鑪火一枚  
紙閣書百種  
張芝闢墨池  
劉蛻成文冢  
經問憇題藏  
筆扛鼎鉉  
重八法  
分篆隸兩座  
列珉珎君善篆刻  
燭燼夜深折  
吟肩曉寒聳  
辭砌葉未埽  
繩檣雪猶擁  
淨業亦足耽  
噩夢得毋恐  
盟宜鷗社訂  
途豈艱徑壅排  
闥勤往還  
開襟卻煩冗  
詩邀東野聯  
角驚懷祖竦  
甘令誚擲鷄  
毋徒困縛蛹  
茲夕晴更佳  
良朋几可奉  
鄉語喜啁啾  
家山望龍從  
隱譙鼓沈  
星星寺鐘動  
歸來踏月華  
皎若飛泉涌

新年詞六首

澹蕩春風到鳳城人逢人日倍多情兒童不唱銅鞮曲  
羯鼓咽咽奏太平

香輪如織碧驄聯九十風光又一年無限花枝擔頭賣  
種花人在草橋邊

繭卜新占玉燭調名園草木買春饒殷勤更語金隄柳  
早散青青一萬條

一桁檐帷護峭寒黃柑青韭簇辛盤鬢雲寶髻簪花勝  
都作宜春帖子看

望湖亭外彩霞蒸噴雪泉邊未泮冰臘後春前天色好  
沿街預借上元燈

小萬卷齋詩藁

卷三

十一

積雪消殘

紫禁隈天門詆蕩霽光開東皇也似憐無褐放出黃絲  
襖子來

索葉屏垣孝廉

必藩

畫山水屬賦長歌易之

先生作畫如作詩縱橫墨汁翻淋漓先生作詩如作畫  
曲折波流瀉清快畫惟以神不以形超乎象外能寫生  
當今畫院少奇構往往詞客蜚英聲先生寄迹長安久  
時醉房山一杯酒繩牀高臥恒閉門誰識龍眠白描手  
我生宛轉文字閒不能辛苦爲荆關每逢妙品亦嘆絕  
紛紛金碧空爛斑勝遊昔歷東南地武林之湖秣陵寺

人巧敢與天工爭從古畫師皆此意吁嗟此意誰復論  
調鉛傅粉終畱痕先生獨得山骨法破除水墨祛埃氛  
我知先生重絹素况當硯水成冰沍

帝城春色今已回閒情卻畫滄洲趣莫作家山圖遙瞻  
鄉國愁羈孤莫作赤縣圖恐煩心力窮錙銖但願一筆  
兩筆霏雲煙飄渺直到秋毫巔蒼松幽草略點綴石磴  
上坐瓊華仙王孤雲馬一角突兀胷中起邱壑萬里都  
從咫尺觀晴窗放眼真蓬嶽我索先生畫先生邀我歌  
我歌下里非陽阿意匠經營那可道樗櫟慚抵珊瑚柯  
翻請先生歌一闕長風浩浩來天末歌成磅礴還解衣  
小萬卷齋詩彙

卷三

七

蕭然逸興遄欲飛憑軒拂拭銀光紙畫在詩中詩畫裏  
橫空揮灑世莫比何須五日一石十日水高堂素壁時  
時懸心香供奉從隗始  
初入詞館恭紀

探花宴啟曲江春磊落金閨籍裏人釋褐尚畱文字契  
宣麻初現宰官身桐珪族第聯同譜宗室開科  
今歲爲始棗萼科  
名繼後塵家二兄丁未二甲  
第一余適後一名署到冰銜誰不負休教曲

學媿平津

苦熱遣興

城頭火繖張崢嶸日卓午幽室負蝸殼炎威炙魚釜地

近梵王宮人疑子桑戶經旬不出門蓼蓼聽齋鼓投轄  
避塵坩散髮忘客主座上竹根杯中松尾塵魏帝瓜  
浮泉謝公棋賭墅羲皇一枕夢旣覺猶栩栩頗諳禪悅  
味卻憶夏畦苦鉏禾不得停汗滴成焦土人生判閒忙  
天地豁堂宇達者解真樂清涼遠如許晚來夕照低微  
風入絺紵唬鳥寂無聲槐花落疎雨

捕蝗行

亟捕蝗捕蝗急星火縣官差符日夜馳蝗正漫天人敢  
情蝗兮蝗兮何不仁嘉禾粒粒皆苦辛螟螣蝻賊各有  
黨莫謂田祖真無神去年盧河水如海茅舍漂流幾人

小萬卷齋詩藁

卷三

古

在今年麥隴懸顆珠老農望歲心眼枯况迺蝗蝻更肆  
虐枉費菑畬與耕穫吁嗟民命將誰託吾欲羣聚而殲  
旃籠山絡野紛駢闐一朝頓解民倒懸殺物亦生機勞  
人卽逸道不除蝮蝎那得梁黍稻君不見太宗吞蝗  
蝗卽死好名徒自誇前史又不見騶邑善政蝗不起畫  
地分疆偶然耳但願捕蝗如捕賊橫戈一掃氛稔息捕  
蝗蝗不成爲災川原依舊黃雲開我聞此蟲出自叨利  
天儒吏武吏名相傳試問今時令與守臨民得免侵漁  
否捕蝗往往不盈斗不盈斗我心悲蝗不去民將飢嗚  
呼安得杲杲秋陽陡翻三尺雨坐使千里飛蝗盡入土

蝗兮蝗兮肯貫汝

月夜聞笛

夜靜纖雲捲堂開老樹斜誰人起秋思此夕落梅花皓  
影月千里鄉心天一涯關山休弄曲三載客離家  
雨後有懷三首

雨氣連雲白波光入寺深涼煙猶積樹病葉早辭林耿  
耿秋懷迢迢漏點沈無心聽促織自覺峭寒侵  
久被鐘聲攪翻嫌酒力微簾前新月濕屋下暗螢飛僻  
地成吾懶疎情與俗違扁舟挂帆便緞菜豈忘歸  
去歲愁霖唱清商候又新轉添秋草色爲憶故園人楚

小萬卷齋詩集

卷三

五

越音書少班張氣味親鄰雞破詩夢猶是客中身  
爲董小榼題停琴佇月圖五首

橫琴琴未彈待月月將上白露濕前楹飛鴻一聲響  
相望不勝情相思不成曲西風吹素襟滿院桐陰綠  
星河澄夕暉山水動清聽悠然物外心獨坐蒼苔徑  
夜深萬籟寂木葉寒欲脫空山獨沈思迢遙佇天末

登舟憶謝公牛渚新詞寫莫作爨餘吟自有知音者

禮君

聞報罷將  
買舟南旋

鐵篙行

琉璃河水清且泚鐵篙突兀水中起行人競向橋頭看

王公彥章昔有此此物經今知幾年紛紛謾語相流傳  
激發忠義頗足取人云我亦將云然梁晉交爭數百戰  
登壇叱咤風雲變破敵三日真如神亞子英雄駭先見  
惟公義勇天下聞可惜不學徒武人只知豹死留皮人  
留名不知烏飛擇木臣擇君褒鄂颯爽同英烈丹心灑  
盡熱腔血方其始進失所從一錯鑄成九州鐵吁嗟乎  
公如事唐不事梁朱三爲賊難爲王五代完人非公誰  
敢當公之大節傳歐陽摩挲畫像重褒揚至今人說王  
鐵槍我來躑躅官道傷夙昔論古刪荒唐鐵篙往事不  
可詳征車碌碌流湯湯但見此篙矗立終古無摧藏

小萬卷齋詩藁

卷三

六

雄縣道中夜行

月落尚畱光鴉鳴不知曙行客中夜起披衣促徒御預  
愁道途長草草出門去譙鼓聲未終檝馬氣先赴略約  
亂縱橫坎窞怯顛仆天色正沈黑鎧焰寒不吐扶僕那  
敢前解驂始得度人生苦憂患卽此理可悟平陂亦偶  
然涉足動多懼墜淵果能戒坦懷隨所遇是地昔戰爭  
燕趙各分據炎運際末造瓚也實虎踞

清時久忘險隻埃羅遠戍訪古興頗劇聊復逐征路孤  
榜穢積岸怪鳥唬深樹煙水白茫茫殘星墮前渡

獻縣訪河閒獻王墓

停車訪古墓漢代重賢王築館延儒士傳經購散亡詩  
書真絕業俎豆尚遺香惟有東平傳千秋共頡頏

德州

重邱此舊地策馬屢經過轉漕停千舶尋源問九河橋  
浮秋水闊蝶隱曉鴉多欲採齊東語黍稌今若何

苦水鋪

貪泉胡可飲溫泉胡可浴諫果卻回甘直木反揉曲世  
閒變態何紛紜白衣蒼狗皆浮雲不知此水來何源得  
非中條之谷下若邨昔爲苦水鋪今爲甜水鋪持此問  
陸羽應亦昧其故苦口棄如遺甜言受如飴爲甜爲苦  
小萬卷齋詩藁

卷三

七

理在斯往來過客空臨池吁嗟莫辨澠與淄水哉水哉  
當自知  
覆車行

吾聞覆舟之下無伯夷奔車之上無仲尼世上防維不  
到處往往平地生險巖年來慣走燕雲道水驛山郵慎  
自保縱使我馬瘖不矜泛駕之僇倏縱使我僕痛不羨  
交衢之技巧胡乃驀坡注澗隨西東九天忽落紅塵中  
折足未占鼎折肱幾類豐猶有同人笑相慰從來斷臂  
爲三公人生何地無傾覆厲須知謹幽獨一念偶不  
持一蹶卽自貽伊古哲士立身皆如斯君不見邛崃坂

王尊叱馭王陽返爲忠與爲孝兩各全其名要知事非  
不得已性命僅抵鴻毛輕我歌白華歸故里父母遺體  
焉敢毀前途遙望長復長勿由徑路由康莊臨深履薄  
之戒其毋忘浮名畢竟成何用出險今朝恍如夢

東平州

歷塊遍齊魯東平成大州人誇高甲第

有梁氏父子狀元坊

地憶

古須句疎樹碧橫水遠山青到樓歲寒亭在否誰共李

蘇游

亭爲宋李誠之建與坡公會飲於此

晚行偶興

荒草橋頭水一隈鞭絲帽影夕陽催澹黃楊柳似迎我

小萬卷齋詩藁

卷三

六

身帶薊門秋色來

滕文公行井田處

井田始黃帝歷代更經畫流傳至暴秦一旦開阡陌先  
聖有良法埽滅不留迹後王欲復之創舉難爲力吁嗟  
曩爾滕猶可爲善國毅然定規模制產區疆場君賢頗  
自強地小誠足惜短長五十里深畏齊楚偏誅求肆無  
厭奮勵竟何益此事遂終廢望古空英碎繫惟戰國時  
諸侯皆去籍大略雖尚聞誰與能潤澤况乃千餘年山  
川屢遷革陋儒罔知變迂論當盡闢如何百畝田翻成  
一片石茂草搖秋風浩歌感今昔

卽景

立馬秋原聽暮鴉亂山多處盡人家晚風千頃白成雪  
開遍野田蕎麥花

早行

風動草無色曉來天欲霜涼秋八九月去去返吾鄉古  
渡積煙水朝暎開杳茫江南好山景都趁馬蹏忙  
渡河

君不聞黃河之水通銀河落天走海萬里無回波殷周  
以來數圮爲世患矜礫館陶決口紛湧沱漢武親臨塞  
瓠子作宮自製宣房歌淇園竹箭可爲楫捆載不下千  
小萬卷齋詩彙

卷三

九

羣駝滄景德棣遺跡難再問從此形勢漸徙趨南訛  
國家歲費水衡錢百萬芻茭壘壘乃與山嶽爭嗟戢拘  
儒漫欲議棄地井蛙那復知其他隨時疏濬昔之下策  
今上策忍使淮揚二郡民命供鼃鼉雲帆况利運漕道  
荆吳梗稻上入神倉多彭城近者頗不戒築隄捍災往  
事思東坡黃樓功成快登眺曾偕鞏也同吟哦風流太  
守誰繼嗣只期滔天巨浪平無煩天遣碧霞夫人司水  
政神光隱現煩撓呵胡勿盡驅馮夷罔象歸巢窠終古  
澄瀾靜如綺但見金支翠羽相盪摩我生此地頻經過  
輕舟截渡迅疾疑投梭潮聲震耳色然駭盛漲豈類榮

與荷秋風瑟瑟雲羅羅矯首西望吾其如此洪濤何

瓜洲渡江

一枝柔艣翦江橫浩浩長空極望平蔓草寒煙瓜步鎮  
風帆浪舶潤州城潮迴島嶼千尋黑日出金焦兩點明  
鐵撥高歌懷玉局蒼茫不盡古今情

登金山放歌

長江滾滾趨東來海門橫東波濤迴中流一柱聳天闕  
浮空照耀金銀臺樽桑旭日開清皓十幅蒲颿疾於鳥  
山靈招我補前遊到此翻嫌九州小丹霞生我衣白雲  
盪我胷乘興一長嘯潭底驚老龍雜僧引達最高處回

小萬卷齋詩集

卷三

三

看下方一片青濛濛登閣訪蘇子入洞求裴公界畫金  
碧不如對茲浮玉之巖峯絕壁孤撐吁可怪一朵芙蓉  
落天外或云此下柄如繖峭立全憑巨鼇戴支祁俯伏  
不敢動終古盈盈一水拖衣帶躡苔磴披松煙蓬萊遙  
望虛無邊頭上但有青冥之長天足下卽是不測之深  
淵凭闌左右顧使我心茫然扁舟若竟絕來往便疑十  
洲三島真神仙我生愛奇頗自矢行蹤屢過山之趾眼  
前有景不知眺何況我睂眉羅浮遠隔幾千里今朝蠟屐  
始一登南瞻京口北廣陵輦道無人草自合只覺妙高  
臺上風泠泠狂歌聲歇天地迴觀止何須他樂請世閒

萬事畱有餘明年更上焦山頂

京口

鐵甕城高枕石頭寒潮今古抱城流地傳士馬南徐鎮  
天縱江山北固樓莽莽英雄爭戰罷蕭蕭壁壘荻蘆秋  
齊梁往事偏多感欲向波心問白鷗

舟行雜詠六首

澹月隨輕橈疎煙生積水清溪不見人拍拍鷓鴣起  
斷渡屢顛風侵窗多急雨明日挂征篷篙師夜深語  
沿洄菱葉中菱花聚還散欲作采菱歌恐被菱絲絆  
溶溶橋下波靡靡岸傍草黃葉打頭來始知秋色老

小萬卷齋詩藁

卷三

三

流水自東西行舟自來往願爲歸人帆不作離人槳  
偶聞啞啞聲卻向船頭立恐有故鄉人對面不相識  
固城湖阻風

我聞石尤風欲阻行人往如何理歸棹狂態翻震盪洄  
湧初逞威豐隆復鼓響撼樹勇可賈爭篙力難勢清波  
咫尺閒江漢同永廣咄嗟封家姨毋乃太木彊世事判  
低昂理宜有消長南北各分途胡爲竟偏黨思參齊物  
論空費漆園想不如聽所止卽境聊自賞興且浮三白  
占毋問五兩招招看舟子向日還曝網默數下瀨船用  
帆不用槳轉眼去如飛歌聲逆潮上

湖上偶興

不問湘湖與泖湖商飈吹皺錦模糊魚莊鱉舍分多少  
鴈路鷗波認有無岸閣碧環天四面秋深紅到樹千株  
江邨勝景知何限好補元真泛宅圖

曉霧

寒霧滴成雨水光深萬重疎林上朝日始見岑隆峯坐  
聽榜歌發增余歸興濃鄉關已不遠轉恐白雲封

上灘

一灘復一灘灘聲激雄壯一灘高一灘前灘在天上灘  
頭石齒齒灘底水漾漾水石兩撞春負氣誰肯讓疑入

小萬卷齋詩藁

卷三

三

劍門關虎牙怒相向涉險乃爭捷軍鋒欲獨張拔篙勢  
難緩邪許共成唱吾徒少勵學如逆風鼓浪先歷艱苦  
程始知宏達量事當扼要處何可稍自放不見上灘船  
努力衝新漲河流隨百轉一規過壘嶂惟羨汀鷺閒翹  
足立四望靦面欲我慰布帆幸無恙

再姪廷杰校字

小萬卷齋詩藁卷三 三 再姪廷杰校字

小萬卷齋詩藁卷四 壬戌癸亥

涇 朱琚 蘭坡

賞菊卽席有作

明燈小閣啟芳筵座有黃花影倍妍澹到無言成獨契  
歡逢此會動經年東籬晚出君相待北道遄歸我自憐  
卻憶精廬常晤對鄉心觸迂酒樽邊

題吳梅邨集後

磊落才名夙擅場回頭往事問行藏青門隱志徒成負  
白傅吟情易致傷寇盜中原勤記識 先生別有  
綏寇紀略 宮闈異

代閱蒼涼

謂永和宮詞  
琵琶行等作

淒音似聽歌河滿一曲樽前淚

小萬卷齋詩藁

卷四

一行

瘞碧雞行

并序

碧雞產我邑然不恒有近見岫列軒數日爲童子所  
逐入竈窰死家石泉先生爲立冢焉因賦是行

君不見龍致豫且射麟爲鉏商獲鯤鵬倘失勢螻蟻將  
得食况迺區區羽族耳弋人抨弓發不測繫爾碧雞胡  
爲來珠簾十二飛毬毬偶然天籟奏筵管尾搖宮扇參  
差開爲尋黃花去桑野知卿本是忘機者藻思欲進羅  
君章雪圖好倩唐希雅誰教集苑翻集枯禍心潛伏成  
置學兒童少見多所怪紛紛攘腕爭前驅步兵慟哭窮

無路走險聊從竈觚踞紇干山雀凍不動那得翩躚向  
生處石泉主人仁且慈愛惜鸞鶴憎臯鴟搏膺狂呼真  
負負敝帷敝蓋當先施兩眼爲汝淚百錢爲汝贖忍使  
烏鳶啄其肉素絲一裹芻一束攜鉏瘞爾前峯麓封以  
西山之淨土澆以北海之清樽胡蝶宜入夢精衛休鳴  
冤孤靈夜夜自來往窗前皓月初黃昏碧雞碧雞祝爾  
雖死神不死陳寶當年有祠祀漢代應同金馬求益州  
重見王褒使冢壘壘碑義義古來埋齒都如此豈羨華  
陰報恩子我爲歌詩當銘誄

後碧雞行

并序

小萬卷齋詩藁

卷四

二

碧雞瘞後復見於家毅庵學博灼宅中營巢置餌頗  
得其所乃復爲此詩貽之

碧雞之神不可作冥冥清霄何處託碧雞之鳥乃復來  
耿耿大廈毋相猜萬物睢肝本無盡桑田老雉翻爲蜃  
憑虛羽化恒登仙不類高墉墮驚隼夙聞此鳥頗有靈  
一時兩地能分形樵人折翼翼不舉依然到處啁啾鳴  
得毋虎灰竟重藝絳市俘囚六日活樂府虛勞阿子歌  
長鑱發冢成空穴我謂是語胡太奇雄飛往往求其雌  
雲間矯翮孰知返分張忍使恩情離鴛鴦豈雙宿伯勞  
每單棲荒草倏已沒羈魂終自迷殷勤屬爾須慎重臨

風莫更含冤痛非因避世但藏身塵寰亦有桃源洞吾  
家小阮喜欲狂爲營巢窟增餼糧蓼蟲幸解徒葵菜此  
閒安樂真吾鄉願爲倉中雀苦飢卽俯嚼不爲韉上鷹  
一飽卽遠騰主人笑視心莫逆空谷生芻豢永朝夕家雞  
野鷺且同羣眼亂看朱忽成碧榆枋決起隨西東幾回  
願見今始逢攜柑載酒聽孤奏亭前煙雨應濛濛君不  
聞桓山鳥羽毛旣豐凌四表又不聞南山鳥網羅雖密  
無爾虞吁嗟文采休矜炫燕尾涎涎好相見當年舊侶  
猶堪戀去尋洲渚啄江蝦日日歸來墓門奠

贈張簪山二首

小萬卷齋詩藁

卷四

三

不入蓬萊供奉班空齋願作老荆關清臞骨相松蟠古  
澹蕩情懷鶴放閒世上何妨逢白眼朝來獨自寫青山  
眞形五岳煩持贈竹杖他年好往還

載筆攜囊意所隨紛紛任笑虎頭癡胷中自有林巒在  
妙處都從造化師無限風光供潑墨此生精力盡臨池  
樽前爲憶曾相見也覺星星感鬢絲

對雪用歐陽公禁體作歌

龍公試手飛廉織朔風烈烈磨刀鎌終朝釀雪雪不至  
但覺雨霰聲相兼傍晚天氣更凌厲幽齋漸復成清嚴  
布衾一夜冷如鐵起來皎鏡開疎奩到處炊煙重壓頂

瓦溝比櫛無虛檐倚牆修竹盡頰首蟠嶺老松初脫髻  
流澌生骨頓斷響坐使魴鯉藏淵潛熊耳雙峯凍欲縮  
高低莫辨東西崦卻疑混沌卽此象寒封廣廈同茅苫  
造化鐫斲亦奇絕紛綸花瓣皆可拈過眼旋看電忽掣  
侵衣差類膠微黏行人笠屐半傾倒誰騎瘦馬愁危跼  
山中樵采苦無路翻欣宿麥資涵淹遺蝗萬斗入地死  
來春預祝豐亨占可憐歉歲生計薄哀鳴待哺悲窮閭  
腐儒漫解說高臥不知何處尋米鹽出門往往垂囊返  
幾家竈突無由黔零星暗火埋濕炭空教筋撥餘灰爨  
探湯豈救手皸瘃矧乃舊纊非新練我亦肌膚出鱗甲

小萬卷齋詩藁

卷四

四

擁鑪尚欲披貂襜開窗望遠頗稱快那肯深閉帷與幘  
禦冬旨蓄自有具只須乳酒杯頻添私憂鴈戶輒興嘆  
五藏激憤難安恬多裘徧蓋尙能致羔豚胡弗常烹爓  
且喜隨時易變滅瞳矐已見朝陽暹新詩白戰聊仿古  
等閒呵退霜毫尖

爲胡西莊秀才

澤縣

題宋李唐雪景卷子

空林莽莽無片葉但見千枝萬枝雪雪花入戶大盈掌  
點筆凭闌如鐵杖披圖忽覺寒威衝絹素慘澹雲冥濛  
滿堂傳觀未終軸高聳吟肩體生粟李唐作此六百載  
尺幅淋漓墨痕在想當意匠初臨池周曾馬賁潛相師

山如聚米樹如薺冰漸不聞流瀾瀾策蹇過行過隴坻  
巖高路滑愁無底羸牛穀鯨方繫轅戴嵩遺法同淵源  
其餘物態都可捫征衣凍合襦不溫馬作蝟縮人龜蹲  
吾聞李唐畫學李思訓別出清新絕塵坳昭陽屏幃生  
光輝畫院時時賞奇雋當年南渡何倉皇驅車遠去行  
邊疆五國城中雪埋膝塞草汨沒層霄黃經營似有深  
長思賸水殘山應灑淚魂消雪窖重徘徊蒼茫盡入圖  
中來收羝欲寫蘇卿哀君不見燕雲道積雪縱橫困塗  
潦車輪惴惴危且艱馬倦呼牛牛亦倒回首郵亭忽相  
憶孤鐙老屋聲三商觸景依稀堪動色蕭齋夢到漁陽  
小萬卷齋詩藁

卷四

五

北卷圖一笑天不高朔風如虎窗前號

再題李長蘅秋江釣艇圖

丹楓已落吳江冷風片雨絲相撲打幽人手自撐舴艋  
一葉茫然凌溟淖綠葭青笠搖孤影裊裊輕竿得修綆  
纖鱗如刀尾如艇斜陽不用張笮簪蘆荻花中火光炯  
有酒在壺魚在鼎高歌獨酌時醅酌放眼遙看碧天迥  
煙波浩渺浮千頃魚家之樂勝箕頰泛宅何妨類萍梗  
長蘅畫筆頗秀挺寫出蒼涼絕塵境乾坤清氣歸毫穎  
但覺山高水復永吁嗟此意吾能領  
送家養泉大令謁選入都四首

從來長民者縣令最爲親此是囂勞局君非祗職人一行初作吏三載久逢屯

君喪子悼  
年來多坎壈

勿阻宦遊興燕臺

### 風物新

劇邑簾垂寂虛堂鏡照清昔賢能撫字千古頌神明吏治重今日輿歌占此行瘡痍應早起莫負宰官榮  
讀憶十年共終宵鎧火寒木天方

賜服花縣正彈冠政事美廉杜文章斬柳韓與君各分道何者獨爲難

別意到楊柳條條垂欲青前途不憚遠是我慣曾經席帽屢披雪瓊車先戴星無多語相贈戒石有箴銘

小萬卷齋詩藁

卷四

六

積雨簡馬臺卿孝廉

肇勳

陰雲似墨閱朝昏獨坐蕭齋自掩門竹葉綠分清醜色桃花紅染澹脂痕荆薪料理應成懶蠟屐商量且勿論  
負此春光二三月相思遠隔水香邨

### 寒食早起

社鼓聲聲繞夢邊關心憶送陌頭錢小樓幾日空聽雨  
寒食今朝又禁煙銀燭曾燒蕭寺夜

去歲此時正在都中法源寺看海棠

玉蘭尚耐晚春天晨來怪底茅堂冷獨立東風怯薄絲

### 清明日作

郊原澹靄放新晴好鳥隨時亦變聲麥飯家家澆墓舍

楊枝朵朵插簾旌濕雲嶺上如披帽深巷朝來正賣錫  
細數流年倍珍重他鄉已過幾清明

胡墨莊孝廉

承琪

以詩徵近作奉答二首卽轉乞之

年來辛苦學妃豨臨鏡妝成轉自疑漫道醫經三折後  
翻嫌讀到七分時探囊有句惟君共覆瓿何人肯我知  
莫惜金鍼等閒度論心于載好相期

旗亭到處安塗鴉過眼誰籠壁上紗

君詢余去歲塗中作故有旗亭見說

題詩擲牝空教糜歲月論癡敢自詡清華頻斟一勺金  
莖露待看三春玉樹花料得新聲驚里耳鐘鐺更不類

箏琶

小萬卷齋詩藁

卷四

七

墨莊見題拙藁次韻答謝二首

蘭成射策已三年曾製驚風苦雨篇搗藻妄思銀管夢  
署銜虛負玉堂仙徒憐劒缺歌誰和欲乞刀圭集自編  
他日霓裳如有舞與君共詠大羅天

幾度芸窗展卷時刪除僞體始成詩推敲兩字拈髭斷  
得失千秋對鏡知但使邱遲畱半錦何妨秦系用偏師  
一言爲致吾私恨卻恡雌黃不置辭

偕諸子小飲綠竹山房三首

此地半山水蕭疎無俗容田閒都種秫寺近但聞鐘雨  
後衆芳變尊前新翠濃招尋愜幽興時倚兩三松

閉戶棲遲久鶯花又暮春預徵修禊會都是樂遊人劇  
筍攜長鏟觀魚理細綸茅堂一壺酒回首憶蕭晨已未  
秋日

至此諸人  
各有題咏

屐齒我重到依然修竹林雲山成舊識泉石發高吟繞  
屋盡幽草歸巢多野禽蒼蒼暝煙合猶觸素交心謂玉  
黼

三月三日岫列軒主人招諸子飲牡丹花下墨莊有詩

戲次其韻

山澤之遊羊與何謂君與家  
漁邨明經玉壺買得春來麼養花天

正雨晴半排闥客如蜂蝶多座上都傾碧鑿落風前獨

舞紅娑婆斜陽林角好相對有曜不知光自他

小萬卷齋詩藁

卷四

八

疊前韻二首

高軒日日飲無何石鼎聯吟許共麼禊事修成三月早

春光占到二分多畢生志業管城子前宿因緣毗舍婆

君已再  
寓軒中 只惜吾家小亭畔年來豔色不如他

滿院風光不奈何金樽豪興肯降麼膏騰醉眼煙中見

爛漫香痕雨後多已辦錢刀酬擔叟端宜雞酒賽園婆

名花記得當時事試把流年一問他主人言前歲花纔  
數朵今已倍蓰矣

後四日復賞館中牡丹前以花事不感為恨因賦長句

為花解嘲兼呈諸公

東風一例到原野紫陌紛紛驟車馬看花為助花氣勢

國色由來真賞寡西園胡文鉅興獨豪命我傳箋具杯

筇須臾闕地成喧場衆口瀾翻浩如瀉汝南月旦費較  
量居然聚訟騰譴謔爲花解嘲代花語子請一息吾亦  
且花容濃澹各有態舉肥畢竟非相者數枝瀟灑獨出  
塵寒瘦休嗤孟與賈美人秀骨自伶俜肯恃丰姿逞妖  
冶天寒日暮倚修竹脂粉生涯我姑捨玉環飛燕誰敢  
憎坡仙諧語應非假古來名士值幾錢落落知心臂堪  
把王勃徒居楊炯前殷浩反出桓溫下拔戟自足張吾  
軍攢眉不願入君社迺知目論徒漫與豈有場師判楮  
檟不如相對兩忘言寵辱無驚泊如也阿咸新奪錦標

小萬卷齋詩藁

卷四

九

還雛鳳清聲頗妍雅芙蓉鏡下第一人記取他時

御香惹

從姪廷模郡試第一  
適是日歸因以勗之

今朝恰啟賞花宴花亦多

情發嬌妃蜨翅成團色正佳貓睛過午枝猶哆墨莊我  
友偕賦詩滾滾不休疑炙輦園亭此日少題句將使花  
神笑啞啞開樽聊復續新篇刻燭何妨乞殘炮潛心默  
禱來年春彌增矮媿殊醜醜百觚拌得玉山饋倒載歸  
來面深赭天心著意好畱客闌外絲絲雨初灑

墨莊前在松竹軒賦五言三十韻卒未和也頃見余  
七言長句疑有畫疆而王之意仿莊生齊物論次韻  
見酬因亦轉次君韻奉謝

朋來染毫翰墨彩恣揮灑我用解詼嘲君疑畫疆界蒙  
莊齊物論當境頗心會南北爭勝強客氣夙所戒

君恐大北

勝小南強之相爭不相下也故云

聊分有脚春共證無生話由豫欣盍

戢守險敢營砦恐類陶學士依據葫蘆畫間道別出奇  
夜郎豈自大何必效銜枚結項更有繡君本我弟昆機

雲同一廨不得平則鳴此語笑我隘誰知十二時原少

寸絲挂讀君黃絹篇耳目倍疎快有如噉諫果咀嚼慎

毋噉前者松竹軒欠詩莫償債兩軍已交綏諸府將免

解擲米變丹砂麻姑復弄猶信若韓公言神藥銷宿愆

起視梁園中花事尚未敗杯酒發餘興祛煩等爬疥合

小萬卷齋詩藁

卷四

十

圍四面坐爲通不爲介勿更評高低任彼葵與蕪陳平

體皎好毋令衆人怪季札聞樂歌休便鄙曹鄴品彙各

以倫惟致天之屈風雨總無私栽培宜匪懈擬君作花

掾清公過毛玠無使相角立愁小黨南崩羣議嗒焉息

淡交終不壞輸成賴君詩樞衣代花拜

與陳鳳石孝廉

寶泉

話舊有贈次墨莊韻

交期六年合行跡千里共

余自戊午與君訂交公車往來必偕行

相見卽

傾倒久要彌引重憶昔啟三徑從遊首二仲

謂家質屋園鞠坪屋

宇恰鱗接夜半聞雒誦家有百萬卷一一研且綜到眼

理絲棼披曾豁塵霜新詞肆湧葩細意加斲礪我羸欲

追之狂奔絕飛鞚聊復拾遺瀋析疑如解纓壁中書訂  
譌河內禮補空每獲珍珠船不問瓊嬛洞自視猶欲然  
詢謀及愚戇阿蒙刮目待鯢魚許南犴弱腕不知量挽  
強輒命中借計上春官征軺頗憊憊羈遲遠公廬積雨  
眞可菅廡下雲作蓋階前水浮瓮徒興望洋嘆恐抱沈  
淵痛天爲驅龜鼉性命姑捨縱且效河朔飲隔日舉杯  
醜酒酣忘客愁雄談發奇弄繫惟中書君胡三經義欽  
鄭衆居停獨結契杭肴迭賓送歲暮邀我過箕坐雜嘲  
諷雪片大於掌歸路惱慊從春來各閉戶花樹壓檐棟  
努力曲江宴書城漫羅壅抽黃復對白瑣碎慚吟哢驚

小萬卷齋詩葉

卷四

十一

馬卻先驅此理孰裁衷伊古事前定元旦已徵夢壬戌年事  
惜我苦紛紛都門缺祖供無端更聚首得獻清風頌處  
囊終穎脫學既耕且種休輕枳棘棲君本梧桐鳳

寄懷靜齋二兄廈門

雄恢

聖武被殊疆魏尚雲中患豫防埃火平安夷戰壘樓船  
震疊走降羌近聞海寇三千餘人歸降論兵事重三城戍憶遠情馳  
一水長溟海更應波浪靜鴈書天外早迴翔

赴郡城遇雨

漠漠雨絲散原田流水聲小橋愁路滑孤驛少人行隄

柳綠成滴野花紅欲迎濕衣姑勿燎翻喜助深耕

過畫簷嶺

四面白雲裏山深雲欲迷盤陀行盡處杳杳暮天低古  
寺恰當頂斜陽初漏西畫簷今不見空聽鷓鴣鳴

夜宿古寺

招提一榻喜塵清漫把邨醪取次傾退院閒僧持半偈  
空龕古佛守三更昏鐙耿照寒無焰破磬孤懸夏有聲

卻憶征鴻屢來去茫茫振觸十年情

余自甲寅後  
未經此地

琴溪吟

溪之水何泠泠鞞紋穀影春風生溪之石何齒齒明沙

小萬卷齋詩彙

卷四

七

錦浪清見底琴高去後三千年誰騎赤鯉飛上天惟有  
山容尚如故嵯峩萬仞壁立仙峯仙當年經過富春道  
嚴陵瀨邊山水好此閒清景頗相同如何耳目之前不  
知寶隔林修竹紛如麻朝霏夕陰煙與霞倘遇武陵避  
世者便謂桃花流水秦人家君不見元真子泛宅中流  
聽所止又不見天隨子終朝汨沒蒼波裏高士往往耽  
林泉溪頭危坐持釣竿漁童樵叟互酬答笑指遙汀鷗  
鷺意倦而俱還况迺茲溪有仙迹藥鑪丹鼎今猶昔福  
庭試問上清書躡屐探幽洞門關髻齡幾度鴻爪畱可  
惜來往無扁舟不然一月一回到登高舒嘯唱徹江天

秋我欲誅茆築室只在山前與山後呼我朋命我酒春  
來貓頭嫩胷中貯千畝未識山靈許我否向晚投止徒  
恩恩滿山新綠濃復濃橋下半篙水初長鏗然白板一  
聲響但見小魚戢戢齊入網

曉行深竹中偶成

萬竹去無路曉風吹我行深林不見日嘯鳥但聞聲衣  
覆濕雲重石敬新筍橫何當種五畝嘯咏憩勞生

題高橋題柱庵

司馬題橋事已非高車駟馬想依稀空王賸有名心在  
豔說還鄉賜錦衣

小萬卷齋詩藁

卷四

三

余聞洪北江前輩

亮吉

論永嘉宛陵山水各異故大謝

小謝詩境亦別今重過宛陵輒爲此詩

永嘉山水鑿復鑿窮幽絕險宜康樂宛陵山水清且夷  
披華挹秀宜元暉詩人例得天工助有才登高始能賦

天工亦賴詩人摹以指畫地旋成圖北江洪子稱好事

曾補史書疆域志

先生有補三國東  
晉十六國疆域志

軒車所歷必探奇

語我山川各殊致永嘉吾未到宛陵吾舊遊爲輿復爲

曠一壑還一邱當年履迹猶足供冥搜辨雲中之樹識

天際之舟蒼然平楚一以眺昭亭栢楓都向窗前浮謝

公已去不可見壘嶂樓空舞雙燕青山江上亘終古處

處晴飛綺霞片惜無驚人之句來問天芒鞋漫踏林巒  
巔有如逢故友綈袍戀戀頻攜手又如讀故書含咀妙  
義心顏舒詩情畫意合同而俱化信哉先生此語非欺  
千古來江山勝處多儒雅太史行蹤半天下瞿塘峽裏  
杜少陵明聖湖中白司馬造物精靈難自祕縱橫落筆  
詞源瀉我亦不願拳縮爲寒蛩願得雲夢八九吞吾胃  
何當蠟屐兼扶筇歛吸元氣到絕境手攬天台鴈蕩兩  
朵青芙蓉

立秋夕微雨

涼風颯然來微雨度高閣傾瓢灑天漿濛濛止還作赤  
日猛於虎斂威不敢虐暝色漸踰嶺歸鳥初赴壑我坐  
西齋前爽氣透衣薄肌膚淨冰雪快意親莞蕩暑如  
錢客相邀池上酌祝融已命駕又訂經年約是時松林  
清暗香出蓮萼濕螢三兩箇不速竟入幕空亭了無蠅  
塵尾未須捉亂雲若擘絮壞墮墮檐角須臾衆星繁仰  
視天宇廓山中不知秋當階一葉落

月夜偶步池上

雨後蓮塘暑易消銀河絡角碧迢迢月光涼浸地成水  
花氣澹迎人過橋靜聽嗁鳥棲樹息驚翻躍鯉上波跳  
征車我屢櫻塵網莫負當前景色饒

七夕飲岫列軒中雨後夜歸書長句寄墨莊

繩河昨夜恰案戶七夕家家望牛女綵盤瓜果蛛網蒙  
當筵蕭拜躬傴僂我輩意氣喜豪宕高會觥籌興標舉  
喁喁恥學小兒態不聽秋風擣砧杵鳳低蟬薄愁雙蛾

溫飛卿句

翻嫌恩怨相爾汝主人爲我開華軒對面青山植

垣堵白雲舉手招欲來滿袖蒙蒙若囊貯濃鋪几簞皆  
滃鬱百孔疎櫺罅可補檐前木葉響驚耳輕絲散漫飄  
煙縷頃刻空階滴聲急水周堂下潤流礎仰看屋小如  
乘舟搖蕩層波轉柔艣披襟陡覺生微涼凜然清氣入  
肝腑囂塵淨絕伴修竹畱客真宜撒煩暑是時四野新

小萬卷齋詩藁

卷四

五

染墨燥吻甘回潑膏乳原田黃茂浩成海奄觀銓艾登  
禾黍豆棚紅綻牆頭花餘力猶能及園圃人經樂歲饒  
歡娛聊作淳于傾斗醪頽頽濡首誰敢訶三爵何妨更  
十五是時拇戰酣未解片言輸成乃歸伍停杯起坐瞻  
天光黝黑旋疑路深阻繁星淡月都藏形空復一瓢酌  
河鼓蓬萊清淺知幾日風浪銀灣遽如許填橋烏鵲濕  
不飛躑躅囊裳水之許謾道從來天有情豈識人閒別  
離苦茫茫此事向誰問殘鐙但見葩初吐山公扶醉到  
孤館碧窗無聲漏過午池邊細泉尚幽咽壁裏陰蟲似  
私語明朝勿恨不回腳漱酒將成洗車雨

邨居晚景

斜陽在鳥背忽帶彩雲飛地近人聲密天空樹影微晚  
來楊柳陌秋入薜蘿衣卻喜荷鋤叟浩歌山下歸  
數日釀雨不成偶作短歌

濃雲蔽天天欲重長風捲地地欲動其雨其雨雨不來  
牆外隱隱聞輕雷俄延三日復五日莫解田禾倒懸急  
金烏捉將住闖然飛而出黑蜩震將起倏然躍而入昨  
宵野豕空渡河揚沙那得成濁沱坐視赤土當如何高  
田叟祝甌簋未識秋來有幾斗低田夫引溝渠曲防毋  
或私爲潏但願待澤澤終下人家到處收耙秔米賤無  
小萬卷齋詩藁

卷四

六

東山不過西山頭

次日大雨喜而再賦

當檐急溜如奔潮天紳倒挂蒼崖高龍鍾竹枝向空拜  
池荷萬點真珠拋老農祈雨竟如願處處歡呼息咨怨  
敢云奇句青天聞韓公能散衡山雲造物有意起枯槁  
此際侏儒乃得飽去歲災今歲好哀鳴鴻鴈澤中少泉  
流泱泱交灌輸地無磽确皆膏腴紅蓮歲蕤漸成朵雨  
花不啻天花墮風雲變態無不可昨日秋陽熱如火吾

聞湖之南樂且湛江之右旨且有

二省爲他處所仰食近聞早禾俱得豐稔

大圩小圩多豐年糧艘銜尾行相連居奇黠賈空垂涎

驟減三百青銅錢吁嗟乎天狼星尚照巴蜀

時川省餘匪未淨

胡不來歸買黃犢

齋中卽事

萬壑若風雨庭柯秋到初心馳千里鴈手枕一編書竹  
嫩草猶護荷殘花漸疎蕭齋清似水斜日下階除

秋夜偶興二首

清夜楚天遠罷琴還掩扉無風鐙影直欲雨月光微閨  
歲寒生早荒園客到稀孤鴻好棲宿自有稻梁肥

小萬卷齋詩藁

卷四

七

涼露滴叢竹暗蛩吟碧苔長空虛籟起颯爽滿樓臺新  
節感紈扇雅懷思玉杯煙蘿有幽興應待故人來

軒車來一篇贈邑侯朱滌齋

炳南

軒車來父母來吏民望君君何遲頌聲溢路歡如雷我  
聞於衆非阿辭縲綬不繫獄不疑陽烏所照真無遺瑤  
琴一彈桴鼓稀鶡音可變鸞可栖豈忍甯越加鞭笞去  
年此日瞻雲霓老巫虔禱翻成災自君之來霖雨隨情  
龍躍起蝗遠飛田禾到處精芒垂猗嗟治行侯其禕獨  
畱片語爲君規松筠柯葉毋改移君不見吾家仲卿人  
所思桐鄉至今尸祝之宗風努力相攀追上之史館揚

清徽傳叙循吏吾職司三長媿乏扶風才濡筆且賦軒  
車來軒車來父母來

過岫列軒問墨莊小疾蒙以詩謝次韻二首

高軒鬱相望得暇輒經過未覺吟懷減翻嫌病思多引  
杯看寶劍投筆奮琱戈茲語類吳客恣然蠲百疴

蟬響息殘照小山花正盈偏因君臥榻倍使我關情藥

饋羊開府

時家璞園以藥相贈

詩成阮步兵中宵風露冷切莫費

研精

秋陰同墨莊作

秋陰漠漠天欲低澹煙微雨紛淒迷階前芳草團濕綠

小萬卷齋詩集

卷四

七

節物暄萋暗相逐江南兩度作黃梅土花蒼潤生莓苔  
瘴氣經旬翳巖岫似恐山容露清瘦空庭晝暝涼入衣  
辭巢燕子伶俜飛華葉焜黃變衰早惟餘決明顏色好  
隔簾薄霧不分明佳人佇立愁屏營悲秋心事向誰語  
鎮日沈沈未知午卻聽鳴鴉聲如吟驚寒避入楓林深  
楓林不是龍沙北翻若穹廬歌勒勒籠蓋四野雲模糊  
米家潑墨真成圖晚來天色彌瀆洞颯爽西風吹凍松  
天涯遠夢空蒼茫昏鑑照夜無輝光只慮層陰凝不散  
稻粒抽芽菜根爛田功未畢人未閒高樓且復凭闌干  
持杯欲喚天公醒皎皎秋宵澄萬景詰朝一派晴曦紅

當窗陡落芙蓉峯

食蟹戲作

慄慄秋漸深清商薄林木客至鐙已上香醅瓮中熟指  
動多俊味盤登盡甲族戈戟徒森然敗蛻莫予毒黃中  
自通理稻芒初入腹遣汝伴橙香閒雜薑與醜譬如削  
靈瓜未華乃先副又如揀沙金雖微而必錄棄休等雞  
肋甘或踰鷓鴣所取不償勞吾意良已足何須過屠門  
鬻哉快分肉忽悟繙故書奧義眼前觸冥心細搜剔珠  
璣積成斛慎毋觀大意埽籜誇捷速老饕興頗劇

家鑪峯襄

昌歎嗜偏獨滿座羅尖團得隴翻望蜀畢卓喜持螯高

小萬卷齋詩藁

卷四

九

風可醫俗監州豈真怕爾雅且終讀攜樽嚼復嚼豪氣  
聲震屋白露淒以盈兩換銀蠟燭起來倚闌楯顧兔飛  
寒玉待到紅膏肥還邀把新菊

中秋園中對月作歌

前夕客對月月色昏不明今夕月邀客客座虛不盈客  
如與月兩相待急起命酌黃金觥書齋有客尚四五守  
關猿鶴欣逢迎秋來顛氣夜森爽竹露冷滴松泉清窺  
園競踞廣石坐扶疎老樹先敷榮埃氛淨埽已無迹纖  
毫物態都昭呈蕊珠宮闕渺何許高低盡入冰壺盛初  
疑銀潢白如練蒼波倒瀉天爲傾又疑浮航渡遼海飄

飄直上通蓬瀛世閒清景頗難得對此欲濯塵中纓惜  
無奇峯可登眺勢與天柱爭崢嶸繁星磊落手堪摘超  
然衣袂凌風輕良宵下界亦負絕騁望且復依檐楹忽  
憶茫茫十年事爪痕幾度舟車行他鄉故鄉隨所到平  
分兩地無奇羸秦淮水閣江浦岸其餘大半棲燕京陔  
蘭幸得新采掇朋儕別恨翻叢生王粲遠爲八口累飛  
鴻北向徒遐征謂杏溪近者時或宴平樂過歸聞歌騷壇  
盟謂鳳石墨莊獨絃撥觸少人和我卽鼓瑟誰吹笙嘗聞海  
賈去萬里異日會合同陰晴澄空一碧旣如洗故人定

亦多吟情南樓雅興俱不淺何妨擊節遙相賡君不見

小萬卷齋詩藁

卷四

三

晏元獻得詩枕上神魂驚又不見蘇文忠淋漓醉墨洪  
鐘鏗風流照耀足千古不須學譜覓裳聲酣歌我肯遽  
扃戶暫息舊業拋鐙檠緱山子晉莫更羨但思瀋酒儲  
斝嬰霜華滿徑終可耐隔牆竟聽鄰雞鳴勞身奔馳若  
蓬轉明歲又指長安城達人行樂每秉燭團欒况值孤  
輪擎客心見月交回縈月光照客彌晶瑩月斜客散仰  
天笑屋角斗柄離離橫

次韻答玉鏌寄懷二首

寒山催落木不雨暫勾畱心惜故人遠夢驚涼夜秋寂  
寥蔣生徑瞻望庾公樓何日共高會菊花簪滿頭

皓月照虛幌相看無限情聞君支小病約客到深更君病

一月始愈墨莊兼山諸子共過夜分乃散健氣三旬復離懷一夕生新詩驅

老魅猶作怒雷聲頃示近作有驅瘴篇

家篤齋學博怡將赴歛任招客過飲墨莊有詩戲贈走

筆和之

廣文先生今老龐扁舟卻泝新安江冷官休使嘲飯顆

且復邀客浮銀缸高陽酒徒思拔幟醕酌甘為習池醉

主人不揖客不辭禮法脫略無牽轡左顧中廚具羹臠

烹龍炮鳳相交錯翻疑首箇空無盤華肴一洗儒風酸

孟公豪興初驚座三月清齋例忽破謂陳鳳石飲素蒙今秋獨定齋期

小萬卷齋詩藁

卷四

三

我亦欲學周伯仁過江日日杯觴親甕中一斛燕臺雪

時以都中美醞餉客青絲玉斝手自挈醇醲不數宜城醪長河轟

飲聲噉嘈當場有客吟肩聳酌到三蕉已潮涌君不勝杯酌

新詩獨撥清風絃讀罷隱几心冷然雲海蒼茫盪魂夢

恍惚置我黃山巔

再姪樹校字

10423

